



# SLUŽBENE NOVINE OPĆINE KAKANJ

IZDAVAČ: Općina Kakanj <b>GODINA XIV</b>	<b>Broj 6/2010</b> Datum: 03.08.2010. Odluke: 86 – 108	GRAFIČKA PRIPREMA I ŠTAMPA:  <b>STRUČNA SLUŽBA ZA POSLOVE OPĆINSKOG VIJEĆA</b>
--	--	--

86.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
**Općinsko vijeće**  
Broj: 0-01/1-129/10  
Kakanj, 06.07.2010. godine

Na osnovu člana 37. Zakona o prostornom uređenju („Službene novine Zeničko-dobojskog kantona“, broj: 2/04 i 2/08) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće Kakanj na svojoj 21. sjednici, održanoj dana 06.07.2010. godine, donosi

## **ODLUKU o usvajanju Prostornog plana općine Kakanj 2010 – 2030.**

### **Član 1.**

Usvaja se Prostorni plan općine Kakanj 2010 – 2030.

### **Član 2.**

Granice obuhvata Prostornog plana općine Kakanj poklapaju se sa statističkim granicama općine, a koje su prikazane u grafičkim priložima plana.

### **Član 3.**

Planska dokumentacija, tekstualni i grafički dio plana čuvat će se u prostorijama Općine Kakanj, u Službi za urbanizam, geodetske i imovinskopravne poslove općine Kakanj.

### **Član 4.**

Provođenje Prostornog plana vršit će Služba za urbanizam, geodetske i imovinskopravne poslove Općine Kakanj, kao i druge službe Općine i Zavoda za planiranje i izgradnju općine Kakanj.

### **Član 5.**

Korištenje i namjena zemljišta na teritoriji općine, vršit će se u skladu sa Prostornim planom općine Kakanj 2010 – 2030. i prema propisima iz Odluke o provođenju prostornog plana općine Kakanj za planski period od 2010 – 2030.

### **Član 6.**

Usvajanjem Prostornog plana općine Kakanj 2010 – 2030. stavlja se van snage Prostorni plan opštine Kakanj („Službeni glasnik opštine Kakanj“, broj: 4/89 i 8/89).

### **Član 7.**

Ova Odluka stupa na snagu osmog dana od dana objavljivanja u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

Ivica Petrović, s.r

**87.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

**Općinsko vijeće**

Broj: 0-01/1-130/10

Kakanj, 06.07.2010. godine

Na osnovu člana 37. Zakona o prostornom uređenju („Službene novine Zeničko-dobojskog kantona“, broj: 2/04 i 2/08) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće Kakanj na svojoj 21. sjednici, održanoj dana 06.07.2010. godine, donosi

**ODLUKU****o provođenju Prostornog plana općine Kakanj za period od 2010 – 2030.****OPĆE ODREDBE****Član 1.****(Pojam Prostornog plana)**

Prostorni plan općine Kakanj za period od 20 godina (u daljem tekstu: Prostorni plan) je obavezujući planski dokument kojim se određuje svrsishodno organiziranje, korištenje i namjena zemljišta, te mjere i smjernice za zaštitu prostora općine Kakanj koji obuhvata ukupnu površinu od 376,54 km<sup>2</sup> (podatak kao rezultat digitalne obrade i preuzimanja granica općine Kakanj iz Prostornog plana Zeničko-dobojskog kantona 2009 – 2029.).

**Član 2.****(Predmet Odluke)**

Ovom Odlukom se utvrđuju uslovi korištenja, izgradnje, uređenja i zaštite prostora, čime se obezbjeđuje realizacija Prostornog plana.

**Član 3.****(Sadržaj Prostornog plana)**

(1) Dokumentacija Prostornog plana, u skladu sa članom 26. Uredbe o jedinstvenoj metodologiji za izradu planskih dokumenata („Službene novine Federacije BiH“, broj: 63/04 i 50/07, u daljem tekstu: Uredba), sadrži:

- a) Prostornu osnovu, koja se sastoji od: Tekstualnog dijela, kojeg čine:
- 1) Postojeće stanje prostornog uređenja, njegovu analizu i ocjena stanja u prostoru,
  - 2) Prostorno – razvojne smjernice i ciljevi,
  - 3) Konceptija prostornog uređenja.

Grafičkog dijela, kojeg čine 24 digitalno obrađene karte u razmjeri 1:25 000.

- b) Prostorni plan, koji se sastoji od tekstualnog i grafičkog dijela i to:

Tekstualni dio sadrži:

- 1) Opće i posebne ciljeve prostornog razvoja,
- 2) Projekciju prostornog razvoja,
- 3) Projekciju razvoja prostornih sistema,
- 4) Odluku o pristupanju izradi Prostornog plana,
- 5) Odluku o provođenju Prostornog plana,
- 6) Dokumentaciju o javnoj raspravi,
- 7) Mišljenje iz člana 12. stava 3. Zakona o prostornom uređenju Zeničko-dobojskog kantona („Sl. novine Zeničko-dobojskog kantona“, br.2/04),
- 8) Izjašnjenja na primjedbe i sugestije,
- 9) Skraćenu verziju Prostornog plana rađenu za potrebe javnih konsultacija.

- (2) Grafički dio Prostornog plana sadrži 24 digitalno obrađene karte (općine Kakanj) u razmjeri 1: 25 000.

**Član 4.****(Evidentiranje i usklađivanje planske dokumentacije)**

- (1) Nadležni organ općine obavezan je izvršiti evidenciju do sada donesenih planskih dokumenata, utvrditi njihovu usklađenost sa odredbama Prostornog plana, te predložiti njihovo usklađivanje Općinskom vijeću Kakanj.

(2) Planske dokumente donesene do 2010.god. potrebno je usaglasiti sa ovim Planom i Uredbom, te u skladu sa Zakonom o prostornom uređenju („Službene novine Zeničko – dobojskog kantona“ broj: 2/04 i 2/08, (u daljem tekstu: Zakon), te za iste pribaviti saglasnost Općinskog vijeća.

#### **Član 5. (Osnovni planski dokument)**

Prostorni plan općine Kakanj je osnov za izradu i donošenje ostalih planskih dokumenata kao narednih faza detaljnijeg planiranja uređenja prostora.

### **DIO DRUGI - PROGRAM MJERA I AKTIVNOSTI ZA PROVOĐENJE PROSTORNOG PLANA**

#### **Član 6. (Program mjera i aktivnosti)**

(1) Program mjera i aktivnosti za provođenje Prostornog plana odnosi se na prvu etapu od njegovog donošenja, odnosno za prvi četverogodišnji period realizacije Plana.

(2) Programom mjera i aktivnosti utvrđuju se okviri na osnovu kojih će zakonodavna i izvršna vlast općine Kakanj utvrđivati i donositi mjere u skladu sa novom politikom i legislativom usklađenom sa legislativom Evropske zajednice.

### **POGLAVLJE I. POPULACIONA POLITIKA**

#### **Član 7. (Demografski razvoj)**

(1) Stavljanje pod kontrolu procesa depopulacije i preobražaja stanovništva utvrđuje se kao opća potreba Bosne i Hercegovine, Federacije BiH, Kantona, a tako i općine.

(2) U cilju postizanja demografskog oporavka općine Kakanj, neophodno je stvoriti povoljne uslove za ostvarivanje

najvažnijih ciljeva demografskog razvoja koji podrazumijevaju:

- a) porast ukupnog broja stanovnika kao rezultat pozitivnog demografskog kretanja,
- b) povećanje nataliteta i podmlađivanje stanovništva,
- c) povratak izbjeglih i raseljenih osoba,
- d) ublažavanje prostorne polarizacije i ravnomjerniji razmještaj stanovništva,
- e) porast broja radnih mjesta i ekonomskog aktiviranja stanovništva.

#### **Član 8. (Program mjera)**

(1) Populaciona politika u općini u funkciji ostvarivanja navedenih ciljeva iz člana 7. ove Odluke, treba da sadrži kompleksne programe mjera iz područja: pravnog sistema, ekonomije, finansiranja i poreza, zdravstvene i socijalne zaštite, radnih odnosa i zapošljavanja, obrazovanja i drugih oblasti relevantnih za razvoj stanovništva.

(2) Programom mjera iz područja utvrđenih u stavu (1) ovog člana, neophodno je postići:

- a) povećanje nataliteta, kroz razvijanje svijesti o značaju formiranja porodice, zaštite porodice, motivaciju rađanja, zaštitu reproduktivnog zdravlja i stabilizaciju mortaliteta,
- b) zaustavljanje iseljavanja, posebno mladih i obrazovanih osoba, kao i veći i efikasniji povratak ljudi i imovine,
- c) razvijanje djelatnosti koje angažuju veći broj nezaposlenih,
- d) podsticanje razvoja ruralnih naselja, posebno sa stanovišta urbanizacije i otvaranja novih radnih mjesta.

## POGLAVLJE II. EKONOMSKA POLITIKA

### Član 9.

#### (Mjere ekonomske politike)

U oblasti ekonomske politike općine Kakanj, naročita pažnja će se posvetiti sljedećem:

- a) posebnim mjerama ekonomske politike privredni razvoj usmjeravati na ubrzavanje razvoja nedovoljno razvijenih općina i na kvalitetnu prostornu distribuciju privrednih kapaciteta kako bi se mjesta rada približila mjestu stanovanja,
- b) posebnim mjerama uticati na kvalitet uvezenih „čistih“ tehnologija i tehničkih sredstava u cilju obezbjeđenja preduslova za usmjeravanje održivog razvoja, naročito sa aspekta zaštite i unaprjeđenja kvaliteta životne sredine,
- c) kreditnim, poreskim i drugim mjerama ekonomske politike stvarati uslove za povećano i kvalitetno zapošljavanje, prvenstveno u primarnoj i sekundarnoj proizvodnji, kao i privrednim djelatnostima tercijarnog sektora,
- d) usklađenom politikom ekonomskih odnosa sa inostranstvom i sa politikom Evropske zajednice, usmjeravati povećanje kvaliteta proizvoda i usluga u cilju njihove konkurentne sposobnosti za plasman na inostranim tržištima, a time uticati i na smanjenje uvoza i spoljnotrgovinskog debalansa.

## POGLAVLJE III. ZEMLJIŠNA POLITIKA

### Član 10.

#### (Mjere zemljišne politike)

S obzirom da zemljišna politika predstavlja bitan okvir ukupnog razvoja, mjerama zemljišne politike će se obezbjeđivati racionalno korištenje i zaštita zemljišta od neplanskog korištenja. Primarno će se obezbjeđivati zaštita zemljišta za unaprjeđenje poljoprivredne proizvodnje, a politikom cijena i na druge

načine usmjeravat će se tokovi urbanizacije i korištenje planiranog građevinskog zemljišta. U tom pravcu će se:

- a) istražiti i izvršiti vrednovanje kvaliteta poljoprivrednog zemljišta u cilju njegove zaštite i unaprjeđenja poljoprivredne proizvodnje,
- b) istražiti i izvršiti ekonomsko vrednovanje zemljišta, sa elementima koji utiču na vrijednost (cijena neizgrađenog zemljišta, troškovi uređenja, vrijednosni izrazi svih vrsta rente i drugo), uz diferenciranje vrijednosti i cijene zemljišta po vrstama namjene,
- c) propisima na osnovu izvršene valorizacije vrijednosti poljoprivrednog zemljišta obezbijediti priliv kvalitetnih finansijskih sredstava za razvoj poljoprivredne proizvodnje, kao i izgradnju novih i unaprjeđenje postojećih komunalnih infrastrukturnih sistema i uređivanje zemljišta, posebno u urbanim područjima,
- d) kao jedna od okosnica za donošenje mjera i propisa u ovoj i drugim oblastima uređenja, korištenja prostora, neophodno je razvijati i unaprjeđivati Geografski informacijski sistem (u daljem tekstu: GIS) koji će biti registar (katastar) svih nekretnina (zemljišta, objekata, infrastrukture),
- e) u provođenju Prostornog plana u oblasti zemljišne politike, osnovu čine odredbe ove odluke.

## POGLAVLJE IV. INVESTICIONA I FISKALNA POLITIKA

### Član 11.

#### (Investiciona politika)

Investiciona i fiskalna politika, koje imaju presudan uticaj na intenzitet i kvalitet korištenja i uređenja prostora, će biti naročito pažljivo određivane i usmjeravane, posebno kada su u pitanju investicije inostranih ili zajedničkih domaćih i inostranih investitora, kao i kada je u pitanju uređenje prostora i izgradnja infrastrukturnih sistema

na svim nivoima u Kantonu. U tom pravcu će se, posebno:

- a) racionalizovati i na najmanje vremenske intervale skratiti procedura registracije firmi, odobravanja lokacija i pribavljanja dokumenata potrebnih za otvaranje procesa investiranja,
- b) podržavati politika stimulisanja investitora za izgradnju objekata sa savremenim proizvodnim tehnologijama koje su kompatibilne sa postojećim proizvodnjama u Kantonu i okruženju, kao i onih koji omogućavaju visoke standarde u kvalitetu proizvoda, većem broju zaposlenih i većim profitima,
- c) Budžet Kantona, budžeti općina i privredni subjekti će, u interesu ubrzanijeg razvoja, poticati i pomagati infrastrukturne projekte, naročito one koji omogućavaju širi dijapazon kvalitetnih veza sa širim okruženjem, kao i onih koji obezbjeđuju kvalitetno vodosnabdijevanje stanovništva i privrede, te regulisanje odvoda i prečišćavanja otpadnih voda i kanalizacije,
- d) fiskalnom politikom, općina će poticati i usmjeravati intenzivnu primarnu poljoprivrednu proizvodnju na svim prostorima gdje to prirodni uslovi i mogućnosti dozvoljavaju, kao i plansko upravljanje i korištenje šumskih resursa,
- e) uz inoviranje politike koncesija kroz izdvajanja za istraživanja potencijalnih područja ležišta mineralnih sirovina i koristeći pozitivan eksterni utjecaj koridora Vc, obezbijediće se povećanje interesa za koncesijama, što može uticati na povećanje finansijskih kapaciteta u Budžetu općine,
- f) u cilju saniranja postojeće nepovoljne situacije u oblasti korištenja energetskih i mineralnih sirovina (naročito metala), neophodno je preduzeti adekvatne mjere za nastavak ili završetak eksploatacije, te preduzimati mjere

za ostvarivanje kvalitetnih uslova zaštite i unapređenja okoline i održivog razvoja.

## **POGLAVLJE V. OBAVEZE DETALJNIJEG PLANIRANJA UREĐENJA PROSTORA**

### **Član 12.**

#### **(Planski dokumenti)**

(1) Prostorni plan općine Kakanj utvrđuje obavezu izrade slijedećih planskih dokumenata:

a) Prostorni plan za područja posebnih obilježja od značaja za općinu Kakanj:

1) Plan posebnog područja "Vrtlište"

b) Urbanistički plan za uže urbano područje grada Kakanja

c) Detaljni planski dokumenti (regulacioni planovi i urbanistički projekti):

1) Regulacioni plan Gornja Kolonija

2) centar urbanog područja Kakanj (Regulacioni plan "Centar"),

3) privredne zone i kompleksi unutar ili izvan urbanih područja, zatim sportsko – rekreativni kompleksi, društveno – opslužni centri i drugi veći sadržaji, (Regulacioni plan "Poduzetničke zone Vrtlište", Regulacioni plan "Termoelektrana",

Regulacioni plan "Banja - Tičići"),

4) kulturno – historijske i prirodne cjeline (Regulacioni plan "Urbana zona Kraljeva Sutjeska", Regulacioni plan "Vikend naselja Ponjeri),

(2) U slučaju potrebe, Općinsko vijeće može donijeti odluku o izradi i drugih planskih dokumenata od posebnog značaja za općinu, i utvrditi prioritete izrade detaljnih planskih dokumenata. Odlukom o pristupanju izradi detaljnih planskih

dokumenata utvrđuju se tačno definirane granice obuhvata.

### Član 13.

#### (Oblik i razmjera planskih dokumenata)

Planske dokumente je obavezno raditi u propisanom obliku i razmjeri prema važećoj Uredbi.

## POGLAVLJE VI. IZVJEŠTAJ O STANJU PROSTORA NA PODRUČJU KANTONA

### Član 14.

#### (Izveštaji o stanju prostora)

(1) Obaveza Stručne službe općine, u čijoj nadležnosti je priprema planskih dokumenata, je izrada Izveštaja o stanju prostora na području općine svake četiri godine.

(2) Izveštaj o stanju u prostoru se dostavlja Općinskom vijeću.

(3) Na osnovu Izveštaja o stanju prostora donosi se četverogodišnji Program mjera za unaprjeđenje stanja u prostoru, koji sadrži i procjenu potrebe izrade novih, odnosno izmjenu i dopunu postojećih planskih dokumenata.

## DIO TREĆI - UREĐENJE PROSTORA

### Član 15.

#### (Grafički prilozi i razmjere)

(1) Prostornim planom općine Kakanj utvrđene su granice urbanih područja nanese sa preciznošću koju omogućava topografska karta u razmjeri 1:2500.

(2) S obzirom da urbana područja, osim građevinskog zemljišta, uključuju i ostale namjene, kroz izradu detaljnih planskih dokumenata ili plana parcelacije precizno će se tekstualno i grafički definisati granice građevinskog zemljišta i ostale namjene unutar granica urbanih područja na kartama 1:2500 ili 1:1000.

(3) Urbana područja prikazana su na grafičkom prilogu broj 4. Prostornog plana.

## POGLAVLJE I. NASELJENA MJESTA I URBANA PODRUČJA

### Član 16.

#### (Granice naseljenih mjesta i urbanih područja)

(1) Na području općine Kakanj utvrđena su 106 naseljena mjesta i to: Alagići, Bastašići, Bašići, Bičer, Bijele Vode, Bijelo Polje, Bilješevo, Bistrik- Crkvenjak, Bištrani, Bjelavići, Bosna, Brežani, Brnj, Brnjic, Bukovlje, Crnač, Čatići, Danci, Desetnik, Doboj, Donja Papratnica, Donji Banjevac, Donji Kakanj, Donji Lučani, Dračići, Drijen, Dubovo Brdo, Dumanac, Gora, Gornja Papratnica, Gornji Banjevac, Gornji Lučani, Govedovići, Gradac, Groce, Halinovići, Haljinići, Hausovići, Hodžići, Hrasno, Hrastovac, Ivnica, Javor, Jehovina, Jerevice, Jezero, Kakanj, Karaula, Karaulsko Polje, Klanac, Kondžilo, Koprivnica, Kraljeva Sutjeska, Krševac, Kučići, Kujavče, Lipnica, Lučići, Lukovo Brdo, Marijina voda, Miljačići, Mioči, Modrinje, Mramor, Nažbilj, Obre, Papratno, Pavlovići, Pedići, Podbjelavići, Podborje, Poljani, Poljice, Pope, Popržena Gora, Ratanj, Ribnica, Ričica, Rojin potok, Saranović, Sebinje, Semetiš, Seoce, Slagošćići, Slapnica, Slivanj, Slivnice, Sopotnica, Starposle, Subotinje, Ter.Elek., Teševo, Tičići, Tršće, Turalići, Turbići, Varalići, Veliki Trnovci, Viduša, Vrtlište, Vukanovići, Zagrađe, Zgošća, Zlokuće, Željeznička stanica Kakanj i Živalji.

(2) U obuhvatu Prostornog plana općine Kakanj utvrđeno je 25 urbanih područja. Granice urbanih područja prikazane su na grafičkim prilogima kao i tekstualni opisi granica urbanih područja koji se nalaze u prilogu teksta Prostornog plana općine i sastavni su dijelovi ove Odluke.

1. UP "Bijele vode"
2. UP "Bjelavići"
3. UP "Brnj"
4. UP "Brnjic"

5. UP "Bukovlje"
6. UP "Čatići"
7. UP "Doboj"
8. UP "Donja Papratnica"
9. UP "Dubovo brdo"
2. UP "Bijele vode"
10. UP "Haljinići"
11. UP "Kakanj"
12. UP "Kraljeva Sutjeska"
13. UP "Modrinje"
14. UP "Plandište"
15. UP "Poljani"
16. UP "Ponijeri"
17. UP "Tičići"
18. UP "Tršće"
19. UP "Veliki Trnovci"
20. UP "Vukanovići"
21. UP "Zgošća"
22. UP "Pope"
23. UP "Krševac"
24. UP "Bičer"
25. UP "Sopotnica"

Demiri, Brnjic-Laze, Brnjic-Krševac, Brnjic-Pedići, Brnjic-Jarevica, Brnjic-Varalići, Sopotnica, Kraljeva Sutjeska

- b) Režim građenja prvog stepena – predviđa se za sva područja za koja se utvrdi obaveza izrade detaljnih planskih dokumenata – regulacionog plana, urbanističkog projekta.
- c) Režim građenja drugog stepena – predviđa se za područja za koja je utvrđena izrada urbanističkog plana i plana parcelacije.
- d) Režim građenja trećeg stepena – predviđa se za urbana područja izvan granice urbanističkog plana za koja je utvrđena izrada plana parcelacije.
- e) Režim građenja četvrtog stepena – predviđa se na građevinskim zemljištima i drugim područjima za koja nije utvrđena obaveza donošenja plana parcelacije i gdje se odobravanje građenja vrši po posebnom postupku.

## POGLAVLJE II. REŽIM GRAĐENJA

### Član 17.

#### (Režimi građenja)

Prostornim planom, u skladu sa Zakonom, utvrđuju se slijedeći režimi građenja:

- a) Režim zabrane građenja - na područjima od značaja za budući razvoj Kantona i općine Kakanj.
  - 1) Režimi zabrane od značaja za Kanton: zaštićena prirodna cjelina («Tajan», «Žuča», «Ribnica» i «Trstionica»),
  - 2) Općina Kakanj:

Sva građevinska zemljišta koja se nalaze u zabranjenoj zoni eksploatacije uglja (naznačena u grafičkom dijelu Prostornog plana), te zabrana građenja na klizištima do sanacije po odgovarajućem glavnom projektu:

- Zlokuće, Vukanovići, Tičići, Hausovići, Kraljeva Sutjeska, Poljani, Subašići-Tršće, Crnac, Ivnica, Papratnica, Mramor, Bičer,

## POGLAVLJE III. ODNOS PREMA GRAĐEVINAMA OD ZNAČAJA ZA FEDERACIJU BIH I KANTON

### Član 18.

#### (Građevine od posebnog interesa za Federaciju BiH, Kanton i općinu Kakanj)

(1) Građevine koje su iz bilo kojih razloga od posebnog interesa za Federaciju BiH, Kanton i općinu Kakanj moraju se obavezno adekvatno tretirati kroz izradu detaljnih planskih dokumenata, na način da se obezbijede svi potrebni uslovi planirane namjene, instaliranih kapaciteta, kao i distribucija svih vrsta otpadaka.

(2) Na građevinama iz predhodnog stava, svaka intervencija podliježe posebnom tretmanu i u svakom konkretnom

slučaju nadležni organi dužni su vlasniku ili korisniku dati iscrpnu informaciju o načinu i uslovima pod kojim mogu ostvariti svoj zahtjev.

#### **POGLAVLJE IV. SMJEŠTAJ PRIVREDNIH SADRŽAJA U PROSTORU**

##### **Član 19. (Privredne zone)**

(1) Prostornim planom utvrđene su privredne zone i privredni kompleksi koji obuhvataju postojeće i planirane površine za razvoj privrednih djelatnosti u općini Kakanj.

(2) Pregled postojećih i planiranih površina privrednih zona općine Kakanj dat je na grafičkom prilogu br. 9. Prostornog plana.

##### **Član 20. (Granice privrednih zona)**

(1) Precizne granice privrednih zona i privrednih kompleksa, te eventualne nove lokacije za koje se ukaže potreba, biće definisane detaljnim planskim dokumentima.

(2) Kod određivanja lokacija novih privrednih sadržaja obavezno će se uzimati u obzir opremljenost saobraćajnom i ostalom infrastrukturom, te voditi računa da se obezbijedi dovoljan prostor za budući razvoj, i da nove lokacije ne budu u suprotnosti sa planiranom namjenom korištenja zemljišta i mjerama zaštite okoline.

##### **Član 21. (Specifični oblici privrednih zona)**

(1) Pored privrednih zona, Prostornim planom, utvrđuju se i specifični oblici korištenja prostora u funkciji privrednih djelatnosti i to: eksploataciona polja energetske i mineralne sirovine, degradirane površine, odlagališta i deponije.

(2) Pregled utvrđenih ležišta energetske i mineralne sirovine dat je u poglavlju broj 6. Energetske i mineralne sirovine, kao i na grafičkom prilogu broj 8-0 Prostornog plana.

##### **Član 22. (Korištenje prostora nakon eksploatacije)**

Eksploataciona polja na kojima je završena eksploatacija, nakon provedenog postupka rekultivacije, mogu se koristiti za razvoj drugih namjena u skladu sa zakonskim propisima.

#### **POGLAVLJE V. SMJEŠTAJ DRUŠTVENIH DJELATNOSTI U PROSTORU**

##### **Član 23. (Društvena infrastruktura i urbana oprema)**

(1) U cilju omogućavanja i podsticanja razvoja ljudskih resursa i općenito napretka unutar jedne zajednice, neophodno je obezbijediti izgradnju objekata društvene infrastrukture i urbane opreme (obrazovanje, nauka, kultura, turizam, sport i fizička kultura, zdravstvo, socijalna zaštita, vjerski objekti, snabdijevanje, usluge, servisi, zelene i rekreativne površine i sl.)

(2) Izgradnju objekata društvene infrastrukture i urbane opreme planirati unutar urbanih područja u skladu sa opredjeljenjima Prostornog plana.

(3) Prostornim planom su uspostavljeni ciljevi razvoja društvene infrastrukture za općinu Kakanj u pojedinačnim oblastima, a detaljnim planskim dokumentima je neophodno dati prijedloge lociranja objekata društvene infrastrukture i urbane opreme uz poštivanje Prostornim planom utvrđenih ciljeva i uspostavljenih centraliteta u odnosu na korisnike.



## POGLAVLJE VI. USLOVI KORIŠTENJA PROSTORA NA ZAŠTITNIM POJASEVIMA I ZAŠTIĆENIM PODRUČJIMA

### Član 24. (Infrastrukturni sistemi)

(1) Prostornim planom definišu se osnovni funkcionalni, prostorni i ekološki uslovi za korištenje prostora na zaštitnim pojasevima infrastrukturnih sistema.

(2) Trase infrastrukturnih sistema prikazane su na grafičkim priložima broj 10., 12., i 18. Prostornog plana.

(3) Prostornim planom općine Kakanj utvrđena konceptijska rješenja infrastrukturnih koridora dozvoljavaju odgovarajuća manja prostorna odstupanja i prilagođavanja, u postupku izrade i definisanja detaljnih uslova za gradnju novih i obnovu postojećih infrastrukturnih koridora, kao i u postupku usaglašavanja sa susjednim općinama.

(4) Kod planiranja izgradnje infrastrukturnih sistema potrebno je osigurati ravnotežu i usklađenost između svih korisnika prostora sa težištem na zaštiti okoliša.

## POGLAVLJE VII. ZAŠTITNI POJASEVI SAOBRAĆAJNIH POVRŠINA

### Član 25. (Širina zaštitnog cestovnog pojasa)

(1) Zaštitni pojas uz javne ceste (zaštitni cestovni pojas) je pojas na kojem važi poseban režim građenja i uspostavlja se s ciljem zaštite javne ceste i sigurnosti saobraćaja na njoj od štetnih uticaja i različitih aktivnosti u prostoru pored javne ceste.

a) Zaštitni pojas uz javne ceste (zaštitni cestovni pojas), propisan je Zakonom o cestama Federacije Bosne i Hercegovine („Sl. novine F BiH“ br. 12/2010).

(2) U postupku izdavanja odobrenja za građenje ili urbanističke saglasnosti za građenje objekata i instalacija na javnoj cesti ili unutar cestovnog i zaštitnog pojasa javne ceste organ nadležan za prostorno uređenje obavezan je zatražiti predhodnu saglasnost, odnosno odobrenje od upravitelja ceste.

(3) Zaštitni pojas u smislu stava (1) ovog člana mjeri se od vanjskog ruba zemljišnog pojasa, tako da je u pravilu širok sa svake strane:

- autoceste	40 m
- brze ceste	30 m
- magistralne ceste	20 m
- regionalne ceste	10 m
- lokalne ceste	5 m

(4) Mjesta ukrštanja sa željezničkom prugom, benzinske stanice, autobusne stanice i parkirališta za potrebe javne ceste, odmarališta i prateći objekti mogu se graditi u zaštitnom i cestovnom pojasu javne ceste samo na način i pod uvjetima utvrđenim u odobrenju, odnosno saglasnosti upravitelja ceste.

### Član 26. (Širina zaštitnog pružnog pojasa)

Prema Zakonu o bezbjednosti u željezničkom saobraćaju („Službeni list RBiH“ br. 33/95), širina koridora unutar kojih se može razvijati trasa izvan građevinskog područja, u pravilu, iznosi za:

- „pružni pojas“ koji je prostor između kolosijeka, a i pokraj krajnjih kolosijeka, na udaljenosti od 8 m najmanje, a ako željeznička pruga prolazi kroz naseljeno mjesto na udaljenosti od 6 m najmanje, računajući od osi krajnjeg kolosijeka,
- zaštitni „pružni pojas“ koji je zemljišni prostor s obje strane pruge, širine 200 m, računajući od ose krajnjeg kolosijeka i mjereno po horizontali.

## **POGLJAVLJE VIII. ZAŠTITNI POJASEVI ENERGETSKE INFRASTRUKTURE**

### **Član 27.**

#### **(Zaštitni pojasevi elektroenergetske infrastrukture)**

(1) Svi novi objekti za proizvodnju i prenos elektroenergije moraju biti građeni u skladu sa evropskim standardima u smislu primjene najsavremenijih tehničkih rješenja opreme, sa aspekta ekonomičnosti i zaštite okoliša.

(2) Zaštitni pojasevi uz trase postojećih i planiranih dalekovoda, utvrđuju se u skladu sa pozitivnim zakonskim propisima i Pravilnikom o zonama sigurnosti nadzemnih elektroenergetskih vodova nazivnog napona od 110 kV do 400 kV (usvojenog od strane DERK-a, februar/2008.godine), kao i Pravilnikom o tehničkim normativima za izgradnju nadzemnih elektroenergetskih vodova nazivnog napona od 1 kV do 400 kV („Službeni list SFRJ“, broj 65/88).

(3) Zaštitni pojas za gasovod utvrđuje se u skladu sa tehničkim zahtjevima za sigurnost za čelične gasovode koji rade pod pritiskom višim od 1 bar.

### **Član 28.**

#### **(Sistemi daljinskog grijanja)**

(1) U pogledu izgradnje i rekonstrukcije sistema daljinskog grijanja neophodno je preduzimati mjere s primarnim ciljem povećanja energetske efikasnosti, te poboljšanja funkcioniranja, poslovanja i konkurentnosti preduzeća koja se bave djelatnošću isporuke toplotne energije.

(2) Razvoj sistema daljinskog grijanja neophodno je prilagoditi promjenama koje će nastati usljed novog tržišnog okruženja i na način optimalnog korištenja postojećih potencijala i minimiziranje slabosti koje bi mogle nastati usljed razvoja tržišta.

(3) Bez obzira što tradicija i razvijenost toplinskih mreža na bazi potrošnje energetske sirovine (uglja) u urbanim

centrima daje osnov za njihov primarni odabir, neophodno je razmotriti i mogućnost korištenja i primjene plina kao alternativnog energenta.

## **POGLJAVLJE IX. ZAŠTITNI POJASEVI IZVORIŠTA I VODNE INFRASTRUKTURE**

### **Član 29.**

#### **(Zaštitni pojasevi vodozahvata)**

(1) Zabranjuje se svaka intervencija na prostoru općine Kakanj koja može na bilo koji način ugroziti kvalitet podzemnih i površinskih voda.

(2) U postupku odobravanja izgradnje građevina obavezan uslov je i odgovarajući tretman otpadnih voda, kao i adekvatno rješavanje prikupljanja, distribucije i odlaganja otpadaka.

### **Član 30.**

#### **(Vodovodna infrastruktura)**

(1) Općina i upravljači javnih vodovoda dužni su održavati, rekonstruisati ili dograđivati postojeće vodovodne mreže na način optimiziranja kapaciteta postojećih izvorišta do raspoloživih resursa.

(2) Dodatne količine vode obezbjeđivati izgradnjom novih izvorišnih objekata na lokalnom i regionalnom nivou uz obavezu općine da provede odgovarajuća hidrogeološka i druga istraživanja na potencijalnim resursima u planskom periodu.

### **Član 31.**

#### **(Zaštita izvorišta)**

(1) Nadležni općinski organi i upravljači javnih vodovoda dužni su obezbijediti zaštitu izvorišta pitkih voda u skladu sa Zakonom o vodama Zeničko-dobojskog kantona („Službene novine Zeničko – dobojskog kantona“ broj:17/07) i Pravilnikom o uslovima za određivanje zona sanitarne

zaštite i zaštitnih mjera za izvorišta voda koje se koriste ili planiraju da koriste za piće («Službene novine Federacije BiH», broj 51/02), kroz donošenje odgovarajućih općih akata i odluka i u skladu sa Prostornim planom.

(2) Postojeća i potencijalna izvorišta prikazana su na grafičkom prilogu broj 7 "Vode i vodna područja" Prostornog plana.

## **POGLAVLJE X. MJERE OČUVANJA KULTURNO–HISTORIJSKOG NASLIJEĐA**

### **Član 32. (Kulturno – historijsko naslijeđe)**

(1) Popis (lokacija), valorizacija i smjernice za zaštitu kulturno – historijskog naslijeđa su date u poglavlju 13.2. Prostornog plana.

(2) Obaveza nadležnih organa je da obezbijede zaštitu i očuvanje kulturno – historijskog naslijeđa i da u postupku izrade i donošenja detaljnih planskih dokumenata obezbijede odgovarajuću saradnju nosioca izrade planskih dokumenata sa nadležnim institucijama za očuvanje i zaštitu kulturno – historijskog naslijeđa.

## **POGLAVLJE XI. OČUVANJE ZAŠTIĆENIH PODRUČJA PRIRODNIH VRIJEDNOSTI**

### **Član 33. (Popis i opis prirodnih vrijednosti)**

(1) Popis i opis prirodnih područja i prirodnih vrijednosti okarakteriziranih kao prirodno naslijeđe Kantona i općine Kakanj je dat u poglavlju 13.1. Prostornog plana.

(2) Obaveza nadležnih organa je da izvrše adekvatnu zaštitu i očuvanje prirodnog naslijeđa kroz donošenje adekvatnih dokumenata i zakonske regulative za zaštitu prirodnog naslijeđa, kao i da omoguće njihovu interpolaciju i

dosljednu primjenu u svim dokumentima i nivoima prostornog planiranja.

### **Član 34. (Izrada detaljnih planova)**

(1) Po donošenju Prostornog plana općine Kakanj obavezna je izrada detaljnih planova za prostorne cjeline prirodnih vrijednosti, kao i za ostala područja koja su ovim planskim dokumentima proglašena kao prirodno naslijeđe.

(2) Zabranjuju se sve aktivnosti koje na bilo koji način mogu ugroziti evidentirane prirodne vrijednosti na području općine Kakanj.

## **POGLAVLJE XII. POSTUPANJE SA OTPADOM**

### **Član 35. (Integralno upravljanje otpadom)**

(1) Osnovni zadatak planskog upravljanja otpadom na području općine Kakanj je uspostavljanje mehanizama za implementaciju integralnog upravljanja otpadom na području Kantona.

(2) U svim fazama izrade i donošenja planskih dokumenta tretmanu otpada potrebno je posvetiti posebnu pažnju naročito kod utvrđivanja količine, vrste i načina prikupljanja u skladu sa Planom upravljanja otpadom na području Zeničko-dobojskog kantona (daljem tekstu: Plan upravljanja otpadom).

(3) Rješavanje ovih pitanja ima prioritet u svim fazama izrade i donošenja planskih dokumenata, a detaljne smjernice i uslovi utvrđeni su u dijelu 12.4. Prostornog plana

**POGLAVLJE XIII. USLOVI ZA  
LOCIRANJE I KORIŠTENJE DEPONIJE****Član 36.****(Zbrinjavanje komunalnog otpada)**

(1) Prostornim planom je definisano zbrinjavanje komunalnog otpada sa područja Kantona izgradnjom regionalnih deponija bezopasnog otpada.

(2) Izgradnjom I faze regionalne deponije „Moščanica“ zaokružena je tehničko – tehnološka cjelina koja stvara uslove za početak odlaganja otpada na pripremljene dvije odlagališne ćelije.

**Član 37.****(Sanacija „divljih“ deponija)**

(1) U planskom periodu neophodno je da se općinske nesantitarne deponije, kao i sve „divlje“ deponije saniraju i zatvore, a odlaganje otpada preusmjeri na regionalni koncept odlaganja, u skladu sa Planom upravljanja otpadom na području Kantona.

(2) Zbrinjavanje otpada sa područja općine Kakanj se planira uspostavljanjem Centra Zone I.

**POGLAVLJE XIV. SPREČAVANJE  
NEPOVOLJNIH UTICAJA NA OKOLIŠ****Član 38.****(Zbrinjavanje opasnog otpada)**

Zbrinjavanje opasnog otpada iz industrije i drugih izvora neophodno je razmatrati na širem nivou, izvan granica općine Kakanj, i na način planiranja izgradnje spalionice na nivou Federacije BiH ili na nivou države BiH.

**Član 39.  
(Zbrinjavanje životinjskog otpada)**

(1) Planom upravljanja otpadom se dugoročno predviđa zatvaranje jama – grobnica i stočnih grobalja i tretman u skladu sa EU direktivama.

(2) U planskom periodu utvrđenom Prostornim planom, neškodljivo uklanjanje životinjskih leševa neophodno je rješavati na regionalnom nivou.

(3) U prelaznom periodu do sticanja uslova za regionalni nivo, neophodno je utvrditi prostore za ovu namjenu u centrima za upravljanje otpadom.

**Član 40.****(Mjere zaštite)**

(1) Mjere zaštite zraka, vode i tla utvrđene su u tekstualnom dijelu zaštite okoliša Prostornog plana.

(2) Obavezno je donošenje plana zaštite okoliša na nivou općine Kakanj, koji obuhvata program i plan mjera za zaštitu okoliša u skladu sa kantonalnim propisima.

**POGLAVLJE XV. ZAŠTITA PRAVA LICA  
SA SMANJENIM TJELESNIM  
SPOSOBNOSTIMA****Član 41.****(Uslovi planiranja)**

Pri izradi detaljnih planskih dokumenata obavezno je definisati uslove i mjere svim učesnicima u planiranju, projektovanju i izgradnji javnih i stambenih objekata, za njihovo normalno korištenje licima sa smanjenim tjelesnim sposobnostima i u tom smislu obaveza je učesnika da u svakoj fazi propisuje konkretne uslove zavisno od nivoa planskih dokumenata koji se izrađuju i donose.

## **POGLAVLJE XVI. ZAŠTITA STANOVNIKA I MATERIJALNIH DOBARA**

### **Član 42.**

#### **(Gradnja na uslovno-stabilnom i nestabilnom tlu)**

(1) Zabranjena je gradnja objekata na uslovno- stabilnim i nestabilnim terenima, dok se na osnovu tehničko-tehnoloških ekspertiza ne utvrdi da je moguća izgradnja na takvim zemljištima.

(2) Detaljne granice uslovno-stabilnih i nestabilnih terena potrebno je utvrditi kroz izradu detaljnih planskih dokumenata općine na geodetskim podlogama u razmjeri 1:1000 i 1:2500 koje omogućavaju detaljnije sagledavanje kategorija terena, što će direktno utjecati na uslove građenja na pojedinim građevinskim zemljištima.

### **Član 43.**

#### **(Lokacije klizišta)**

(1) Prostornim planom definisane su lokacije klizišta, koje su s obzirom na propisanu razmjeru za izradu ove vrste planskog dokumenta, date orijentaciono, dok se detaljne granice (pozicionirane geokoordinatama, sa tačno utvrđenim površinama) moraju utvrditi drugim detaljnim planskim dokumentima.

(2) Obavezno je uspostavljanje katastra klizišta, sa monitoringom na nivou općine obrađenog u GIS-u.

### **Član 44.**

#### **(Korištenje opasnih materija)**

(1) Zabranjena je upotreba svih kancerogenih materijala, uređaja i postrojenja koja emitiraju radioaktivna zračenja štetna po zdravlje ljudi.

(2) Obavezno je pojačati kontrolu nad privrednim subjektima hemijske i petrohemijske industrije koje koriste opasne hemijske materije, čija je koncentracija

onečišćenja u vodu i zrak iznad dozvoljenih.

### **Član 45.**

#### **(Bujična i plavna područja)**

(1) Bujična, plavna i erozivna područja definisana su u poglavlju 16.. Prostornog plana.

(2) Utvrđene mjere zaštite od poplava i erozija se obavezno ugrađuju u sve planske dokumente, čiju će realizaciju pratiti nadležne službe i institucije.

(3) Na područjima koja su proglašena erozivnim ne može se graditi niti mijenjati katastarska kultura zemljišta, bez prethodno navedenih mjera i radova.

### **Član 46.**

#### **(Minirana područja)**

(1) Zabranjeno je korištenje zemljišta za bilo kakvu namjenu površina kontaminiranih minama i minsko – eksplozivnim sredstvima dok se ne izvrši njihovo deminiranje.

(2) Općina mora izraditi planove etapne realizacije deminiranja u skladu sa definiranim namjenama prostora.

(3) U procesu realizacije etapnog deminiranja prostora, prioritet moraju imati građevinska zemljišta u urbanim područjima ili van njih, namijenjena stanovanju, privrednim kompleksima, poljoprivrednoj proizvodnji, kao i područja saobraćajnih komunikacija i lokaliteti od strateškog značaja.

### **Član 47.**

#### **(Eksploataciona područja)**

(1) Kod izrade planskih dokumenata u okviru utvrđenih ležišta energetske i mineralnih sirovina, kao i u okviru granica postojećih jamskih eksploatacija, neophodno je osigurati stabilnost i bezbjednost postojećih izgrađenih objekata.

(2) Za novu izgradnju naselja u okviru eksploatacionih polja, prije izdavanja urbanističke saglasnosti potrebno je pribaviti mišljenje rudarskog preduzeća i saglasnost ministarstva nadležnog za rudarstvo, a u skladu sa Zakonom o rudarstvu («Službeni list RBiH» broj:24/93 i 13/94 i „Službene novine Federacije BiH“ broj 6/08).

(3) Na površinama gdje je završena jamska eksploatacija neophodno je uraditi elaborat o sanaciji starih rudarskih radova i izvršiti detaljna inženjersko-geološka i geomehanička ispitivanja, u cilju utvrđivanja površina za građenje i izgradnju naselja.

(4) Na degradiranim površinama nastalim nakon površinske eksploatacije, usljed deponovanja jalovine, šljake, industrijskog i komunalnog otpada, neophodno je pristupiti postupku rekultivacije sa utvrđenim planskim periodom za stvaranje uslova i privođenja građevinskoj ili nekoj drugoj namjeni.

## **DIO ČETVRTI - USLOVI ZA IZGRADNJU I KORIŠTENJE PROSTORA**

### **POGLAVLJE I. URBANA PODRUČJA**

#### **Član 48.**

##### **(Gradnja u urbanim područjima)**

(1) Izgradnja naselja, građevina i drugi zahvati u prostoru, na području općine Kakanj, mogu se odobriti samo u urbanim područjima i na građevinskim zemljištima, utvrđenim Prostornim planom

(2) U urbanim područjima mogu se graditi stambeni, poslovni, proizvodni objekti, infrastrukturni, te objekti koji služe stanovnicima za redovno opsluživanje (objekti urbane opreme kao što su škole, zdravstveni objekti, trafostanice, pošte, dječija igrališta, objekti za sport i rekreaciju i sl.

#### **Član 49. (Postojeći objekti)**

(1) Pod postojećim objektima smatraju se svi stalni objekti, bez obzira na njihov karakter (stambeni, poslovni, i sl.).

(2) Postojeći objekti koji se nalaze na prostoru namjenjenom za izgradnju, a koji nisu predviđeni za rušenje mogu se dograđivati, adaptirati i rekonstruisati samo ako su zadovoljeni ostali uslovi iz ove Odluke (odstojanje, estetski izgled, konstruktivni sistem i sl.).

#### **Član 50. (Objekti urbane opreme)**

Objekti urbane opreme mogu se izuzetno graditi van urbanih područja ukoliko za to postoje opravdani razlozi, te ukoliko su zadovoljeni zakonski propisi u smislu zaštitnih zona, a prema urbanističko-tehničkim uslovima nadležne Službe.

#### **Član 51. (Sistemi stambene i poslovne gradnje)**

(1) Objekti stambene i poslovne izgradnje mogu se graditi kao samostalni objekti, te kao dvojni objekti ili objekti u nizu.

(2) Odluka o sistemu izgradnje donosi se na osnovu plana urbanog područja i urbane zone, a ako plana nema –na osnovu stručne ocjene i urbanističke saglasnosti

#### **Član 52. (Projektna dokumentacija)**

(1) Građenje se može odobriti na osnovu projektne dokumentacije za izvođenje urađene od strane pravnog ili fizičkog lica registrovanog za obavljanje poslova projektovanja ovlaštenog aktom od nadležnog organa kojim je utvrđeno da ispunjava uslove za obavljanje djelatnosti.

(2) Dozvoljava se upotreba tipskih projekata za izvođenje, uz uslov da su projekti prilagođeni terenu i drugim

zahtjevima iz regulacionog plana, odnosno urbanističke saglasnosti.

**Član 53.**  
**(Minimalni uslovi rastojanja objekata)**

- (1) Izgradnja objekata može se odobriti samo ako je novi objekat udaljen od postojećeg ili planiranog objekta, i to:
1. za nove objekte spratnosti jedne etaže (P+Pk) – odstojanje od postojećeg ili planiranog objekta mora biti najmanje 4m,
  2. za nove objekte spratnosti do dvije etaže (P+1+Pk) - odstojanje od postojećeg ili planiranog objekta mora biti najmanje 6 m,
  3. za objekte do tri etaže spratnosti (P+2+Pk) - odstojanje od postojećeg ili planiranog objekta mora biti najmanje 8 m,
  4. za objekte sa četiri ili više etaža - odstojanje od postojećeg ili planiranog objekta mora biti najmanje 12 m.
- (2) Rastojanje među objektima može biti i manje ukoliko se se na fasadi postojećeg objekta ne nalaze prozorski otvori stambenih prostorija (dnevni boravak, spavaonice, trpezarije), ali to rastojanje ne može biti manje od 1 m od granice parcele radi obezbjeđivanja prostora za gradnju i tekućeg održavanja.
- (3) Rastojanje novih objekata od privremenih i pomoćnih objekata može biti i manje ako su ispunjeni drugi uslovi iz ove Odluke, a posebno iz čl. 72.
- (4) Rastojanje objekata se računa od najisturenijih zidnih površina i odnosi se na rastojanje u svim pravcima.  
Za smanjivanje propisanih odstojanja mora se pribaviti pismena saglasnost susjeda, odnosno korisnika ili vlasnika susjednog objekta.

(5) Rastojanje novog od postojećeg objekta može biti i manje od utvrđenih odstojanja u predhodnom članu , bez saglasnosti susjeda i ako je to predviđeno regulacionim planom (u slučajevima predviđene mogućnosti dograđivanja, izgradnje dvojnih, trojnih ili objekata u nizu ili kada su postojeći objekti predviđeni za rušenje).

(6) Postojeći objekat predviđen za rušenje uslovljava se za rušenje kroz urbanističku saglasnost datu za novi objekat.

(7) U plohama rastojanja može se odobriti izgradnja ograda, potpornih zidova, garaža, vanjskih stepenica, šahtova, rampi, podzemnih objekata za komunikacije, skloništa, parkirališta.

(8) Korisnici susjednih parcela se mogu sporazumjeti da grade dvojne ili objekte u nizu.

**Član 54.**  
**(Udaljenost građevinske linije objekta od susjedne parcele)**

(1) Izgradnja objekata na građevinskom zemljištu, može se odobriti pod uslovima iz ove Odluke, s tim da novi objekat mora biti udaljen najmanje 1,00 m od susjedne građevinske, odnosno katastarske parcele, te da zadovoljava uslove rastojanja objekata propisane u čl. 54 ove Odluke.

(2) Udaljenost novog objekta od susjedne parcele može biti i manja, pod uslovom da su zadovoljeni uslovi rastojanja objekata propisani u čl. 54 ove Odluke i ako je pribavljena saglasnost vlasnika ili posjednika te susjedne parcele.

**Član 55.**  
**(Uslovi izgradnje infrastrukture)**

(1) Svi objekti koji se grade, kao i postojeći objekti koji služe za stanovanje, rad, rekreaciju ili poslovnu djelatnost moraju se priključiti na električnu mrežu, vodovod i kanalizaciju, bez obzira da li je u vrijeme

izdavanja odobrenja za izgradnju bila izgrađena javna infrastruktura.

(2) Korisnici i vlasnici postojećih objekata koji nemaju ugrađene instalacije i uređaje iz predhodnog stava, a nalaze se na prostorima na kojima postoji mogućnost priključenja na infrastrukturnu mrežu dužni su ugraditi instalaciju i izvršiti priključivanje objekata na mrežu.

#### **Član 56. (Uslovi ograđivanja parcela)**

(1) Na urbanim područjima je dozvoljeno podizanje ograda između dvije građevinske parcele. Ograda može da bude zajednička ili da se nalazi samo na jednoj parceli u zavisnosti od sporazuma korisnika parcela. Ograda ne može da bude veća od 2,50 m iznad prirodnog ili nasutog terena.

(2) Ograda prema javnom putu ne može biti veća od 2,0 m iznad nivoa puta odnosno trotoara duž puta.

(3) Vrsta i način izvedbe ograde, materijali od kojih se gradi, utvrđuju se urbanističkom saglasnošću vodeći računa da ta ograda ne smeta preglednosti puta, raskrsnica, bezbjednom izlazu pješaka i vozila sa parcele, te da zadovoljava estetske kriterije.

#### **Član 57. (Postojeći objekti planirani za rušenje)**

(1) Postojeći objekti koji su odgovarajućim planom ili na osnovu ove Odluke predviđeni za rušenje, ne mogu se dograđivati, nadograđivati niti se na njima mogu vršiti radovi redovnog održavanja objekta.

(2) Izuzetak čine objekti za koje se ne planira rušenje u dogledno vrijeme, i u tom slučaju može se odobriti dogradnja ili nadogradnja u obimu od 30 % od postojeće bruto korisne površine u smislu stvaranja minimalnih higijenskih i drugih uslova korištenja, a na osnovu urbanističke saglasnosti koja je u skladu sa rudničkim aktivnostima.

#### **Član 58. (Parcelacija)**

(1) Izgradnja na građevinskom zemljištu može se odobriti samo ako je ono podijeljeno na građevinske parcele, tako da svaki objekat, grupa objekata, kompleks i sl., bez obzira na namjenu, dobije svoju parcelu, odnosno ako je izvršena parcelacija.

(2) Plan parcelacije donosi Služba za urbanizam, geodetske i imovinsko pravne poslove Općine Kakanj, a na osnovu planske dokumentacije.

#### **Član 59. (Utvrđivanje građevinskih parcela)**

Na građevinskom zemljištu predviđenom za individualnu izgradnju utvrđuju se slijedeće veličine parcela:

- a) Na urbanim područjima građevinska parcela namijenjena za izgradnju slobodnostojećih individualnih objekata ne može biti manja od 200 m<sup>2</sup> niti veća od 1.000 m<sup>2</sup>.
- b) Ako građevinska parcela ima površinu veću od maksimalno dozvoljene iz predhodnog stava obavezno je cijepanje, odnosno mora da bude podijeljeno na više građevinskih parcela, osim u slučajevima kada ostatak parcele ne zadovoljava uslove da se od njega formira još jedna građevinska parcela minimalne površine.
- c) Izuzetno, parcele mogu biti i manje od 200 m<sup>2</sup> i to pod uslovom da su zadovoljeni uslovi za lokaciju objekta po drugim odredbama ove Odluke.



**Član 60.**  
**(Pristupi građevinskoj parceli)**

Građevinska parcela mora imati kolski pristup, a ako to ne dozvoljavaju uslovi terena građevinska parcela može imati samo pješачki pristup.

**Član 61.**  
**(Regulaciona linija)**

(1) Regulacionom linijom utvrđuju se pojedinačne građevinske parcele i njen odnos prema ostalim površinama.

(2) Građevinska parcela utvrđuje se planom parcelacije kao sastavnim dijelom regulacionog plana.

(3) Do izrade odgovarajućih planova, regulaciona linija utvrđuje se stručnom ocjenom.

**Član 62.**  
**(Građevinska linija)**

Građevinskom linijom se utvrđuje odnos planiranog objekta prema susjednim objektima, saobraćajnicama i drugim javnim površinama.

Građevinska linija utvrđuje se regulacionim planom i urbanističkom saglasnošću.

**Član 63.**  
**(Uslovi za objekte kombinovane namjene)**

(1) U objektima kombinovane namjene (stambeno-poslovni objekat) ne može se odobriti poslovna djelatnost kojom se stvara buka, prašina, neugodni mirisi, para i drugi vidovi zagađenja, koji ometaju normalnu funkciju stanovanja, kako u samom objektu, tako i u susjednim stambenim objektima.

(2) Postojeći stambeno-poslovni objekti u kojima se vrši djelatnost koja ometa normalnu funkciju stanovanja, a kojom se vrši zagađivanje čovjekove sredine, moraju svoju djelatnost uskladiti sa odredbama ove Odluke i u skladu sa zakonskim propisima u

roku koji odredi nadležni organ općine Kakanj.

**Član 64.**  
**(Izgradnja objekata na užem urbanom području)**

(1) Na užem urbanom području Kakanja (područje koje pokriva urbanistički plan), izgradnja objekata i vršenje drugih radova može se odobriti samo na osnovu urbanističkog i regulacionog plana.

(2) Do donošenja novog urbanističkog plana Kakanja izgradnja se može odobriti na osnovu Prostornog plana općine i odredaba ove Odluke.

**Član 65.**  
**(Promjena namjene objekata)**

(1) Postojeći objekti unutar urbanih područja koji po svojoj namjeni nisu u skladu sa namjenom prostora ili su to objekti koji zagađuju okolinu prema važećim propisima, ne mogu se dograđivati, nadograđivati niti se na njima mogu vršiti konstruktivni zahvati ukoliko nisu vezani za stabilnost objekta, ali se mogu vršiti radovi tekućeg održavanja objekta i to: instalaterski, stolarski, pokrivački, limarski, fasaderski i sl. zanatski radovi.

(2) Ako su postojeći objekti takvog karaktera da njihovo izmještanje zahtijeva velika materijalna sredstva, mogu se privremeno zadržati pod uslovom da svoju djelatnost usklade sa važećim propisima zaštite okoline.

(3) U urbanim zonama dozvoljena je promjena namjene dijela ili cijelog objekta iz stambene u poslovnu namjenu, ili obrnuto, ukoliko ta promjena ne ometa normalnu funkciju stanovanja u okolnom prostoru, te ukoliko se radi o djelatnosti koja ne stvara buku, prašinu ili drugi vid zagađenja, u skladu sa važećim propisima.

**Član 66.**  
**(Uslovi korištenja zemljišta u urbanim područjima na kojima je zabranjena gradnja u zoni eksploatacije mineralnih sirovina)**

Zone gradnje na eksploatacionim poljima mineralnih sirovina uslovljavaju i odnos prema postojećoj odnosno planskoj gradnji, u skladu sa važećim Zakonom o rudarstvu i Zakonom o građenju ("Službene novine Zeničko-dobojskog kantona" br: 1/05 i 2/08).

Prostorni plan na grafičkom prilogu br: 8, "Energetske i mineralne sirovine" i graf.prilog br: 8.1."Urbana područja na rudnim poljima" definiše Zone gradnje unutar eksploatacionog polja Rudnika mrkog uglja Kakanj kao:

- a) Zona zabranjene gradnje, osim objekata u funkciji eksploatacije mineralnih sirovina (na ovom području nije dozvoljena izgradnja bilo kakvih objekata osim onih koji su u funkciji eksploatacije uglja),
- b) Zona zabranjene gradnje (podliježe režimu zabrane građenja na kojoj se nedozvoljava nikakva izgradnja građevina i uređaja, izuzimajući tekuće održavanje i održavanje neophodnih instalacija.
- c) Zona dozvoljene gradnje uz saglasnost rudnika (u ovoj zoni nije završena konsolidacija terena i potrebno je uraditi dodatna geomehantička istraživanja, a do tada mogućnost izgradnje je dozvoljena uz nalaz i mišljenje, odnosno saglasnost za gradnju od strane rudnika, u skladu sa važećim Zakonom o rudarstvu).
- d) Zona dozvoljene gradnje uz geomehantička ispitivanja (ova zona je područje unutar završene eksploatacije uglja gdje je potrebno provesti geomehantička ispitivanja tla. Rezultati ispitivanja odredit će

zone sigurne gradnje objekata i neće biti potrebno tražiti saglasnost za gradnju od strane rudnika).

- e) Zona dozvoljene gradnje bez saglasnosti rudnika (unutar granica ovog područja je moguća izgradnja bez saglasnosti rudnika).
- f) Zona dozvoljene gradnje – zona zaštitnih stubova (unutar granica ovog područja je moguća izgradnja bez saglasnosti rudnika).

**Član 67.**  
**(Legalizacija bespravno sagrađenih objekata)**

(1) Legalizacija bespravno sagrađenih objekata odobrava se u skladu sa Zakonom o građenju („Službene novine Zeničko-dobojskog kantona“, br: 1/05 i 2/08).

(2) Postupak legalizacije provode nadležno Ministarstvo ili općinska služba zavisno od nadležnosti utvrđene u članu 46. Zakona o prostornom uređenju ("Službene novine Zeničko-dobojskog kantona", br: 2/04 i 2/08).

**Član 68.**  
**(Uređenje i korištenje građevinskog zemljišta)**

(1) Radi obezbjeđenja blagovremenog pribavljanja i uređenja građevinskog zemljišta, nadležni organ općine donosi program uređenja građevinskog zemljišta. Programi se donose na osnovu ovog Prostornog plana, urbanističkog plana i regulacionih planova ili idejnog rješenja na osnovu regulacionog plana, urbanističkog projekta, odnosno njegovog dijela, ili projekta za izvođenje na osnovu odgovarajuće urbanističke dokumentacije.

(2) Izgradnja građevina se vrši na uređenom građevinskom zemljištu. Izgradnja se može vršiti i na neuređenom građevinskom zemljištu, ukoliko se obezbjedi njegovo uređenje u toku izgradnje

građevine, a u skladu sa uslovima utvrđenim u urbanističkoj saglasnosti.

(3) Kao minimum uređenja građevinskog zemljišta smatra se izvođenje radova na zemljištu koji obezbjeđuju:

- snabdjevanje vodom i rješenje odvodnje otpadnih voda,
- kolski prilaz građevinskoj parceli,
- opskrbu električnom energijom.

(4) Radove iz predhodnog stava može da izvrši nadležni općinski organ, i da troškove naplati od korisnika građevinskog zemljišta u vidu naknade za ustupanje građevinskog zemljišta.

(5) Općina može obavezati korisnika građevinskog zemljišta da sam izvrši minimalno uređenje građevinskog zemljišta, te se naknada za ustupanje građevinskog zemljišta za taj iznos umanjuje.

(6) Uslovi, način i vrijeme prestanka prava svojine nad zemljištem koje je postalo građevinsko, kao i uslove i način ustupanja na korištenje građevinskog zemljišta propisani su Zakonom o vlasničko-pravnim odnosima u F BiH, Zakonom o građevinskom zemljištu u F BiH i Odlukom Općine Kakanj.

## **POGLAVLJE II. VANURBANA PODRUČJA**

### **Član 69.**

#### **(Gradnja u vanurbanim područjima)**

Izuzetno od odredbi iz člana 50. ove Odluke, izvan granica urbanog područja i građevinskog zemljišta može se odobriti građenje koje, s obzirom na svoje osobenosti, zauzima područje izvan urbanih područja i to za:

- a) objekte infrastrukturnih sistema (saobraćajne, energetske, vodoprivredne, telekomunikacijske i dr.),
- b) zdravstvene, turističke, rekreacione i sportske građevine,

- c) građevine za potrebe odbrane i oružanih snaga,
- d) stambene i gospodarske objekte poljoprivrednih proizvođača za potrebe poljoprivrede i šumarstva,
- e) privremeno istraživanje i iskorištavanje prostora prirodnih izvora i resursa, energetske i mineralnih sirovina, voda, šumskog i poljoprivrednog zemljišta i dr. (kamenolomi, šljunčare, asfaltne baze, krečane i sl.),
- f) komunalne građevine (deponije, stočne pijace, prodaja rabljenih auta, groblja, spomen – obilježja i sl.),
- g) objekte na vodenim površinama (ribogojilišta, plutajuće platforme i sl.).

## **POGLAVLJE III. GRADNJA U ZAŠTIĆENIM PODRUČJIMA**

### **Član 70.**

#### **(Izgradnja objekata)**

(1) Izgradnja objekata i drugi zahvati u prostoru iz člana 51. ove odluke ne mogu se odobriti na zemljištima koja su Prostornim planom, odredbama ove Odluke i drugim propisima, utvrđena kao zaštićena područja, rekreativna područja, pojasevi i zone.

(2) Izuzetno od stava (1) ovog člana, izgradnja objekata i drugi zahvati u prostoru mogu se odobriti u zaštićenim područjima ukoliko je njihova izgradnja u funkciji zaštite ili ukoliko ne postoji mogućnost ugrožavanja utvrđenih mjera zaštite.

## **POGLAVLJE IV. USLOVI ZA IZGRADNJU POMOĆNIH I GOSPODARSKIH OBJEKATA I VIKEND KUĆA**

### **Član 71.**

#### **(Izgradnja pomoćnih objekata)**

(1) Kao pomoćni objekti u smislu ove Odluke smatraju se:

- a) garaže za osobna vozila,
- b) nadstrešnice,
- c) ljetne kuhinje,
- d) šadrvani, hladnjaci
- e) šupe za smještaj ogrjeva i alata.

(2) Izgradnja objekata iz predhodnog stava ne može se odobriti na užem urbanom području grada Kakanja, osim garaža i ako je to dogradnja pomoćnog objekta uz stambeni objekat te tako predstavlja jedinstvenu cjelinu sa stambenim objektom. Već izgrađeni pomoćni objekti zadržavaju se do realizacije konačnog urbanističkog rješenja.

(3) Izgradnja šadrvana, hladnjaka ili sl. može se odobriti u sklopu građevinske parcele, ako zadovoljava druge uslove propisane ovom Odlukom.

(4) Na ostalom dijelu urbanog područja općine Kakanj izgradnja pomoćnih objekata iz predhodnog stava se može odobriti prema odredbama ove Odluke.

#### **Član 72.**

##### **(Izgradnja gospodarskih objekata)**

(1) Kao gospodarski objekti u smislu ove Odluke se smatraju: staje za držanje krupne i sitne stoke, svinjci, kokošinjci, spremišta za smještaj poljoprivrednih proizvoda, stočne hrane, poljoprivrednog alata, pomoćni gospodarski objekti i sl. objekti.

(2) Izgradnja gospodarskih i pomoćnih gospodarskih objekata na užem urbanom području grada Kakanja nije dozvoljena.

(3) Postojeći gospodarski objekti na užem urbanom području grada Kakanja moraju se ukloniti (porušiti) u roku koji odredi općinski organ nadležan za građenje.

(4) Izgradnja gospodarskih objekata na ostalim urbanim područjima općine Kakanj može se odobriti samo na odstojanju većem od 10 m u odnosu na stambene, poslovne, privredne i dr objekte.

(5) U izgrađenim dijelovima urbanog područja ovo odstojanje može biti i manje od odstojanja propisanog u prethodnom stavu, pod uslovom da se grade pomoćni gospodarski objekti odnosno, zatvoreno đubrište sa komorama za osoku i priključkom za kanalizaciju, odnosno ako se obezbjede higijensko-tehnički uslovi propisani ovom Odlukom i pozitivnim zakonskim propisima.

(6) Gospodarski objekti se ne mogu graditi na udaljenosti manjoj od 10,00 m od javnog puta.

(7) Objekti građeni od nepostojanih materijala i sa zapaljivim krovom, ne mogu se graditi na rastojanjima manjim od 15 m od susjednih objekata.

(8) Samostalni pomoćni gospodarski objekti kao što su đubrišta, septičke jame i sl. ne mogu se graditi na rastojanju manjem od 50 m, od zaštitnog pojasa objekata za lokalno snabdjevanje vodom za piće (bunari i pumpe). U izgrađenim urbanim područjima izgradnja bunara može se odobriti i na manjem rastojanju određenom u predhodnom stavu ako su ispunjeni higijensko-tehnički i dr. uslovi izgradnje. Đubrišta i septičke jame moraju biti pokriveni i obezbjeđeni od pristupa ljudi i životinja.

#### **POGLAVLJE V. USLOVI ZA IZGRADNJU PRIVREMENIH OBJEKATA I VIKEND KUĆA**

##### **Član 73.**

##### **(Uslovi za korištenje privremenih objekata)**

(1) Privremenom građevinom smatra se građevina izgrađena ili postavljena privremeno na određenoj lokaciji za potrebe gradilišta, za primjenu odgovarajuće tehnologije građenja, kao i za organizovanje sajмова, javnih manifestacija i u druge namjene postavljanje montažnih građevina privremenog karaktera.

(2) Izgrađeni privremeni objekti mogu ostati na mjestu na kojem je odobrena njegova izgradnja, odnosno postavljanje, onoliko vremena koliko je to odobreno urbanističkom saglasnošću, a najviše 3 god.

(3) Privremeni objekat se mora ukloniti (porušiti) odnosno izmjestiti na zahtjev općinskog organa uprave koji je izdao urbanističku saglasnost, odnosno odobrenje za građenje, bez prava vlasnika ili korisnika na naknadu ili obaveze davanja nove lokacije.

(4) Nakon isteka roka iz stava (2), nadležni organ na zahtjev korisnika privremenog objekta može taj rok produžiti .

(5) Izuzetno, objekti se mogu ukloniti prije isteka roka iz stava (2) u slučaju privođenja zemljišta konačnoj namjeni ili promjeni privremene namjene.

(6) Prostor na kojem se nalazio objekat se mora urediti prema uslovima utvrđenim u rješenju o urbanističkoj saglasnosti, odnosno odobrenju za gradnju ili u zahtjevu o rušenju objekta.

#### **Član 74.**

##### **(Izgradnja vikend objekata)**

(1) Vikend kućom smatra se objekat izgrađen izvan urbanog područja na prostorima koji su za tu namjenu određeni i koji služe za privremeni i povremeni boravak ljudi u cilju odmora i rekreacije.

(2) Vikend naselja se smatraju urbanim cjelinama namjenjenim za odmor i rekreaciju, te su vlasnici vikend objekata dužni da sami vrše uređenje ovih prostora prema uslovima koje utvrdi nadležni organ za izdavanje urbanističke saglasnosti.

(3) Vikend naselja , odnosno vikend objekti moraju da budu odobreni prema tehničkoj dokumentaciji. Izgradnja vikend objekata mora da obezbjedi potpunu zaštitu čovjekove sredine, tj. da svojom funkcijom ne zagađuje okolinu i da zadovoljava estetske uslove.

(4) Vikend naselja ovim Prostornim planom planirana su u obuhvatu Regulacionog plana "Vikend naselje Ponijeri".

## **POGLAVLJE VI. ODOBRAVANJE GRAĐENJA**

### **Član 75.**

#### **(Urbanistička saglasnost i odobrenje za građenje)**

Građenje se odobrava u skladu sa Prostornim planom, odredbama ove Odluke, posebnim zakonom i propisima donesenim na osnovu tih zakona i urbanističkom saglasnošću, kako je to utvrđeno Zakonom.

## **POGLAVLJE VII. OSTALI USLOVI IZGRADNJE**

### **Član 76.**

#### **(Detaljni planski dokumenti)**

(1) Ostali uslovi za izgradnju i korištenje prostora biće utvrđeni izradom i donošenjem detaljnih planskih dokumenata.

(2) Do izrade odgovarajućih planskih dokumenata , izgradnja objekata i vršenje drugih radova obavljace se na osnovu odredaba ove Odluke i drugih propisa.

## **DIO PETI - ZAVRŠNE ODREDBE**

### **Član 77.**

#### **(Potrebne aktivnosti za provođenja Prostornog plana)**

(1) Prostorni plan pokriva cijelu teritoriju općine Kakanj sa općim pokazateljima i opredjeljenjima.

(2) Da bi se moglo operativno djelovati na cijeloj teritoriji, potrebno je u kontinuitetu nastaviti aktivnosti kojim će se ostvariti mogućnosti rada svih državnih organa svih nivoa nadležnosti da konkretno ostvare zacrtane ciljeve i opredjeljenja.

(3) Da bi se ovo moglo sprovesti, potrebno je odmah pristupiti ostvarenju slijedećeg:

a) izvršiti inventarizaciju raspoložive prostorno-planske dokumentacije svih nivoa izrade i donošenja, u tom postupku izvršiti selekciju i usklađivanje svih do sada donesenih planskih dokumenata,

b) izvršiti usklađivanje svih dokumenata koji nisu u skladu sa Prostornim planom, a za dokumente kojima je istekao rok važnosti donijeti odluku o daljoj primjeni u roku od godinu dana od dana donošenja Prostornog plana, ukoliko nisu u suprotnosti sa Prostornim planom,

c) obezbijediti izradu planskih dokumenata propisanih Zakonom i Prostornim planom u roku od godinu dana od donošenja Prostornog plana.

(4) Realizaciju mjera provedbe Prostornog plana će voditi Nosilac pripreme plana, odnosno Općina Kakanj.

#### **Član 78. (Stupanje na snagu)**

Ova Odluka stupa na snagu osmog dana od dana objavljivanja u „Službenim novinama Općine Kakanj”.

#### **PREDSJEDAVAJUĆI OPĆINSKOG VIJEĆA**

Ivica Petrović, s.r

---

#### **88.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

#### **Općinsko vijeće**

Broj: 0-01/1-131/10

Kakanj, 06.07.2010. godine

Na osnovu člana 37. Zakona o prostornom uređenju („Službene novine Zeničko-dobojskog kantona“, broj: 2/04 i 2/08) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće Kakanj na svojoj 21. sjednici, održanoj dana 06.07.2010. godine, donosi

#### **ODLUKU**

**o stavljanju van snage prostorno planske dokumentacije**

#### **Član 1.**

Ovom Odlukom stavljaju se van snage prostorno planski dokumenti općine Kakanj, kako slijedi:

- Nivelaciono regulacioni plan Kraljeva Sutjeska iz 1973. godine
- Regulacioni plan Haljinići iz 1982. godine
- Regulacioni plan Pope i Podvarda iz 1984. godine
- Regulacioni plan „Termoelektrana Čatići“ iz 1984. godine
- Regulacioni plan Varda II iz 1987. godine
- Regulacioni plan „Tičići“ (naselje) iz 1989. godine
- Regulacioni plan Varda I iz 1989. godine
- Idejno rješenje“ Regulacioni plan Bijele Vode“ iz 1989. godine
- Izmjene i dopune Regulacionog plana Donje i Gornje Kolonije iz 1996. godine

Navedeni planovi nisu usklađeni sa Prostornim planom općine Kakanj, isti su zastarili i neprovođivi.

#### **Član 2.**

Planiranje i uređenje prostora vršiče se na osnovu odredaba Prostornog plana općine Kakanj i odredaba Urbanističkog plana Kakanja.

#### **Član 3.**

Ova Odluka stupa na snagu osmog dana od dana objavljivanja u „Službenim novinama Općine Kakanj“.

---

#### **PREDSJEDAVAJUĆI OPĆINSKOG VIJEĆA**

Ivica Petrović, s.r

**89.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

**Općinsko vijeće**

Broj: 0-01/1- 133/10

Datum, 06.07.2010.godine

Na osnovu člana 13. Zakona o principima lokalne samouprave („Službene novine Federacije BiH“, broj:49/06) i člana 24. Statuta općine Kakanj („Službene novine Općine Kakanj“, broj:2/08), Općinsko vijeće na 21. sjednici održanoj 06.07. 2010.godine, donijelo je

**O D L U K U**

**o organizovanju privredno kulturne manifestacije „Kakanjski dani trgovine i kulture“ Kakanj 2010.godine**

**Član 1.**

Organizuje se privredno-kulturna manifestacija „Kakanjski dani trgovine i kulture“ Kakanj 2010.godine.

Privredno-kulturna manifestacija „Kakanjski dani trgovine i kulture“ Kakanj 2010.godine održat će se u periodu od 02.08. – 07.08.2010.godine.

**Član 2.**

Organizator i generalni pokrovitelj manifestacije je Općina Kakanj.

Medijski pokrovitelji su: Radio Kakanj, NTV IC Kakanj, Kakanjske novine.

**Član 3.**

Nosioci aktivnosti na organizovanju privredno-kulturne manifestacije su:

- Služba za urbanizam, geodetske i imovinsko-pravne poslove, koja će obavljati aktivnosti iz svoje nadležnosti, a naročito: oko podjele štandova, ljetnih bašti i zabavnih parkova i donositi rješenja o korištenju javne površine,
- Služba za poduzetništvo, društvene djelatnosti, eko zaštite i inspekcijske

poslove iz svoje nadležnosti, a naročito: daje saglasnost za zabranu saobraćaja na putu i izmijenjeni režim odvijanja saobraćaja, izdaje rješenje o postavljanju saobraćajnih znakova i opreme na putu, vrši kontrolu izdatih rješenja i kontrolu bespravnog zauzimanja javne površine.

- Nosioci aktivnosti su i ostale općinske službe u okviru svoje nadležnosti:
- Zavod za planiranje i izgradnju općine postavlja saobraćajne znakove i opremu na putu na osnovu rješenja, osigurava parking prostore, instalaciju rasvjete, obilježavanje lokacije-štandova, ljetnih bašti, zabavnih parkova,
- JP „Vodokom“ d.o.o. Kakanj sa sljedećim zadacima: vrši smještaj i čuvanje vozila, naplatu korištenja parking prostora na javnim površinama, priključak javne česme, svakodnevni odvoz smeća i pranje ulice na kraju manifestacije, postavljanje i uklanjanje javnih WC-a, te po potrebi angažuje pauka.
- JU za kulturu i obrazovanje i JU Gradske biblioteke u okviru svojih djelatnosti organizuju po dvije kulturne manifestacije.

**Član 4.**

Za realizaciju privredno-kulturne manifestacije formira se organizacioni odbor.

Organizacioni odbor sačinjavaju sljedeći članovi:

1. Pomoćnik Općinskog načelnika za urbanizam, geodetske i imovinsko-pravne poslove, Nurčo Kurtović - predsjednik,
2. Pomoćnik Općinskog načelnika za poduzetništvo, društvene djelatnosti,

eko zaštitu i inspeksijske poslove,  
Ferid Trako - zamjenik predsjednika,

3. Direktor Zavoda za planiranje i izgradnju općine, Zijad Neimarlija - član,
4. Direktor JP „Vodokom“ d.o.o. Kakanj, Samir Selimović - član,
5. Direktor JU za kulturu i obrazovanje, Izet Fejzović - član,
6. Direktor JP „Kakanj sport“, Elvedin Šehagić - član,
7. Predsjedavajući Općinskog vijeća, Ivica Petrović - član,
8. Direktor JU Biblioteka, Senad Čišija - član,
9. Radio Kakanj - Almedina Veispahić - član,
10. NTV IC Kakanj Almedin Trako - član.

#### **Član 5.**

Za potrebe izvršenja privredno-kulturne manifestacije, kao pomoć Organizacionog odbora, po službenoj dužnosti angažuju se sljedeća lica:

1. Pomoćnik Općinskog načelnika službe za finansije - Džihad Berbić,
2. Pomoćnik Općinskog načelnika službe civilne zaštite - Suad Husetović,
3. Komandir Policijske stanice Kakanj - Esnaf Buza,
4. Šef odsjeka za društvene djelatnosti - Alma Odobašić,
5. Šef inspekcije - Bašić Selver.

#### **Član 6.**

Zadatak Organizacionog odbora je da donese Program organizovanja privredno-kulturne manifestacije, cjenovnik zakupa štandova, ljetnih bašti i zabavnih parkova, vrši realizaciju svih aktivnosti i programskih zadataka i svih drugih obaveza koje proističu iz programske šeme ove manifestacije.

Organizacioni odbor, u okviru svojih aktivnosti i programskih zadataka, može angažovati osim imenovanih i druga lica na određenim zadacima koji proizilaze iz programskih aktivnosti manifestacije.

#### **Član 7.**

Računovodstvo-finansijske poslove ove manifestacije obavljat će Služba za finansije, shodno odredbama Zakona o budžetima i Pravilnika o knjigovodstvu budžeta FBiH.

#### **Član 8.**

Po završetku manifestacije, Organizacioni odbor je obavezan Općinskom vijeću u roku od 45 dana ili na drugoj zakazanoj sjednici Općinskog vijeća, podnijeti izvještaj o realizaciji privredno-kulturne manifestacije.

#### **Član 9.**

Sastavni dio ove Odluke je Uputstvo za sprovođenje Odluke o organizovanju privredno-kulturne manifestacije „Kakanjski dani trgovine i kulture“ Kakanj 2010. godine.

#### **Član 10.**

Ova Odluka stupa na snagu danom donošenja, a objavit će se u „Službenim novinama Općine Kakanj“.

**PREDSEDVAJUĆI  
OPĆINSKOG VIJEĆA**  
Ivica Petrović, s.r



**90.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

**Općinsko vijeće**

Broj: 0-01/1- 133/10

Datum, 06.07.2010.godine

Općinsko vijeće je na 21.sjednici održanoj 06.07.2010.godine donijelo Odluku o organizovanju privredno-kulturne manifestacije „Kakanjski dani trgovine i kulture“ Kakanj 2010.godine. Uz navedenu Odluku Općinsko vijeće je Organizacionom odborom utvrdilo slijedeće:

**U P U T S T V O**

**za sprovođenje Odluka o organizovanju  
privredno-kulturne manifestacije  
„Kakanjski dani trgovine i kulture“  
Kakanj 2010.godine**

**I**

Dio manifestacije na glavnoj ulici – ulica Alije Izetbegovića će se odvijati na dijelu ulice od raskrsnice kod zgrade „Konzum“ do raskrsnice pored bivšeg ugostiteljskog objekta „Njam-njam“.

**II**

Kulturno-sportski sadržaj manifestacije će se odvijati na lokalitetu između srednjih škola, JU „Gradska biblioteka“ i omladinskog centra (JU za kulturu i obrazovanje).

**III**

Lokacija centralne pozornice se određuje kod Gradske fontane.

**IV**

Dio manifestacije sa ugostiteljskim sadržajima (posluživanje jela sa roštilja, pečenje mesa i dr.) odvijat će se na lokalitetu buvlje pijace iza zgrade „Konzuma“.

**V**

Lokalitet parkinga ispod zgrade Općine se utvrđuje za muzičke sadržaje (bez otvorenog loženja vatre).

**VI**

Saobraćajnica s desne strane rijeke Zgošće – Ulica branilaca je predviđena za dvosmjerni režim saobraćaja.

**VII**

Vlasnicima samostalnih trgovinskih i ugostiteljskih radnji smještenih na glavnoj ulici na potezu odvijanja manifestacije Organizacioni odbor je dužan osigurati normalne uvjete za obavljanje djelatnosti u danima održavanja manifestacije.

**PREDSJEDAVALAČI  
OPĆINSKOG VIJEĆA**

Ivica Petrović, s.r

**91.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

**Općinsko vijeće**

Broj:0-01/1-152 /10

Kakanj,13.07.2010. godine

Na osnovu člana 24. i 85. Statuta Općine Kakanj ("Službene novine Općine Kakanj", broj: 4/08) i člana 38. Odluke o izvršavanju Budžeta Općine Kakanj za 2010. godinu ("Službene novine Općine Kakanj", broj: 3/10), Općinsko vijeće na 22. sjednici održanoj dana 13.07.2010. godine, donijelo je

**O D L U K U**

**o utvrđivanju visine i načina isplate  
sredstava za finansiranje rada savjeta,  
tekućih i materijalnih izdataka mjesnih  
zajednica**

**Član 1.**

Ovom Odlukom utvrđuje se visina i način isplate sredstava za finansiranje rada savjeta, tekućih i materijalnih izdataka mjesnih zajednica po budžetu općine Kakanj za 2010. godinu u iznosu od 40.000,00 KM..

**Član 2.**

Sredstva iz člana 1. ove odluke isplatit će se svim mjesnim zajednicama Općine Kakanj u jednakim iznosima od 1.081,00 KM.

**Član 3.**

Utvrđena sredstva iz člana 2. ove odluke u brutto iznosu raspoređuju se na 50 % na ime naknade za rad predsjednicima savjeta, a 50 % za tekuće i materijalne izdatke savjeta mjesnih zajednica.

**Član 4.**

Mjesnim zajednicama koje nisu blagovremeno podnijele izvještaj o utrošku sredstava iz prethodne godine ili su podnijele izvještaj koji dijelom ili u cjelosti ne pruža dovoljan uvid u namjenski utrošak budžetskih sredstava, neće se isplatiti planirana sredstva sve do podnošenja urednog izvještaja.

**Član 5.**

O izvršenju ove Odluke starat će se Služba za opću upravu, lokalnu samoupravu, mjesne zajednice, stambene i zajedničke poslove i Služba za finansije.

**Član 6.**

Ova Odluka stupa na snagu danom donošenja a naknadno će se objaviti u "Službenim novinama Općine Kakanj".

**PREDSJEDAVAJUĆI  
OPĆINSKOG VIJEĆA**

Ivica Petrović, s.r

**92.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

**Općinsko vijeće**

Broj: 0-01/1-154/10

Kakanj, 13.07.2010. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 7. Zakona o kontroli cijena („Službene novine F BiH“, broj: 2/95 i 7/08),

Općinsko vijeće na 22. sjednici održanoj 13.07.2010. godine, donijelo je

**O D L U K U**  
**o davanju saglasnosti na izmjene i**  
**dopune Cjenovnika usluga parkiranja**  
**vozila**

**Član 1.**

Ovom Odlukom, daje se saglasnost na Odluku Nadzornog odbora Javnog preduzeća „Vodokom“ d.o.o. Kakanj, broj: 3096-2/10 od 06.07.2010. godine o izmjenama i dopunama Cjenovnika usluga parkiranja vozila.

**Član 2.**

Sastavni dio ove Odluke je Odluka Nadzornog odbora Javnog preduzeća „Vodokom“ d.o.o. Kakanj, broj: 3096-2/10 od 06.07.2010. godine

**Član 3.**

Ova Odluka stupa na snagu danom donošenja a objavit će se u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

Ivica Petrović, s.r

**93.**

**JAVNO PREDUZEĆE „VODOKOM“ D.O.O.**  
**KAKANJ**

**- NADZORNI ODBOR -**

Broj: 3096-2/10

Kakanj, 06.07.2010. godine

Na osnovu člana 269. Zakona o privrednim društvima („Službene novine Federacije BiH“, broj: 23/99, 45/00, 2/02, 6/02, 29/03, 58/05, 91/07, 84/08, 88/08 i 7/09), člana 8. Zakona o javnim preduzećima u Federaciji Bosne i Hercegovine („Službene novine Federacije BiH“, broj: 8/05, 81/08 i 22/09) i člana 39. Statuta Javnog preduzeća „Vodokom“ d.o.o. Kakanj, Nadzorni odbor, na svojoj 3. redovnoj sjednici održanoj 06.07.2010. godine, usvojio je:

**O D L U K U**  
**o izmjenama i dopunama Cjenovnika**  
**usluga parkiranja vozila**

**Član 1.**

U članu 2. alineja 2. Cjenovnika usluga parkiranja vozila, briše se tačka i dodaju riječi:  
„ i ostale ulice urbanog dijela grada.“

**Član 2.**

U članu 3., iza stava 1. dodaje se novi stav 2. koji glasi:  
„Cijena mjesečne karte sa rezervacijom za putnička motorna vozila iznosi 20,00 KM, a godišnja parking karta sa rezervacijom iznosi 150,00 KM. U cijene je uračunat PDV.“

**Član 3.**

Ova Odluka stupa na snagu danom donošenja, a primjenjivat će se nakon davanja saglasnosti od Općinskog vijeća.

**PREDSJEDNIK  
NADZORNOG ODBORA**  
Fahrudin Buza, s.r.

**94.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
**Općinsko vijeće**  
Broj: 0-01/1-134/10  
Kakanj, 06.07.2010. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09), člana 24. Statuta Općine Kakanj („Službene novine Općine Kakanj“, broj: 4/08), a na Inicijativu Općinskog načelnika – Savjetodavni odbor mladih, broj: Sl./10 od 12.05.2010. godine, Općinsko vijeće na 21. sjednici održanoj 06.07.2010. godine, donijelo je

**O D L U K U**  
**o nazivu mosta na rijeci Bosni**

**I**

Ovom Odlukom daje se naziv mostu na rijeci Bosni, koji se nalazi na izlazu iz centra Kakanja i glasi „Most mladih“.

**II**

Most na rijeci Bosni nalazi se na izlazu iz centra Kakanja paralelno sa mostom na ulazu u centar Kakanja, koji nosi naziv „Most Zlatnih ljiljana“.

**III**

Ova Odluka stupa na snagu danom donošenja a objavit će se u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Ivica Petrović, s.r

**95.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
**Općinsko vijeće**  
Broj: 0-01/1- 137/10  
Kakanj, 06.07.2010. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 27. Zakona o ustanovama („Službeni list R BiH“ broj: 6/92 i 13/94), Općinsko vijeće na 21. sjednici održanoj 06.07.2010. godine, donijelo je

**O D L U K U**  
**o usvajanju Izvještaja o radu**  
**JU Centar za socijalni rad Kakanj za**  
**2009. godinu**

**I**

Ovom Odlukom usvaja se Izvještaj o radu Javne ustanove Centar za socijalni rad Kakanj sa Finansijskim izvještajem za 2009. godinu.

**II**

Sastavni dio ove Odluke je Izvještaj o radu JU Centar za socijalni rad za 2009. godinu i Finansijski izvještaj za period 01.01.2009. do 31.12.2009. godine.

**III**

Ova Odluka stupa na snagu danom donošenja a objavit će se u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Ivica Petrović, s.r

**96.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

**Općinsko vijeće**

Broj: 0-01/1- 138/10

Kakanj, 06.07.2010. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 25. Pravila Javne ustanove za kulturu i obrazovanje, broj: 394/09 od 18.11. 2009. godine, Općinsko vijeće na 21. sjednici održanoj 06.07.2010. godine, donijelo je

**ODLUKU**  
**o davanju saglasnosti za imenovanje**  
**direktora**  
**JU za kulturu i obrazovanje**

**I**

Ovom Odlukom daje se saglasnost na Odluku Upravnog odbora Javne ustanove za kulturu i obrazovanje Kakanj, broj: 180/10 od 18.05.2010. godine o imenovanju Fejzović Izeta za direktora ustanove na mandatni period od 4 (četiri) godine.

**II**

Ova Odluka stupa na snagu danom donošenja a objavit će se u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**

Ivica Petrović, s.r

**97.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

**Općinsko vijeće**

Broj:0-01/1-153/10

Kakanj, 13.07.2010. godine

Na osnovu člana 24. Statuta Općine Kakanj („Službene novine Općine Kakanj“,

broj:4/08), Općinsko vijeće na 22. sjednici održanoj dana 13.07.2010. godine, usvojilo je

**PROGRAM RASPOREDA SREDSTAVA**  
**OSTALIM UDRUŽENJIMA**

**I**

Planirana sredstva Budžetom Općine Kakanj za 2010. godinu u okviru pozicije Grantovi neprofitnim organizacijama, ekonomski kod 614-300 – pozicija “Transfer ostalim udruženjima po programu” u iznosu od 20.000,00KM, raspoređuju se kako slijedi:

Redni broj	Naziv udruženja	Iznos sredstava
1.	HFS“ Bobovac“	1.500,00
2.	KUD „Dikan“	3.760,00
3.	UG „Stolno mjesto „K.Sutjeska	600,00
4.	UG „Sultanov konak“	600,00
5.	Ansambl narodnih igara i pjesama	1.465,60
6.	UG“ Duga“	1.200,00
7.	UG „Ak-Saray“	600,00
8.	HKD „Napredak“	1.099,00
9.	UG „Kazandžiluk“	600,00
10.	Asocijacija radio amatera	700,00
11.	Slovensko udruženje građana	1.145,00
12.	EUR „Romalen“	778,60
13.	Media-Ka-net	700,00
14.	Udruženje gluhih i nagluhih	503,80
15.	Udruženje građana invalida rada	732,80
16.	NVO „Alternative „	2.015,20
17.	UG „Preporod“	500,00
18.	UG „Slijepih i slabovidnih lica“	500,00
19.	Neraspoređena sredstva	1.000,00
	UKUPNO	20.000,00

**II**

Korisnici kojima su po osnovu javnog poziva odobrena sredstva za realizaciju programa dužni su Službi za poduzetništvo, društvene djelatnosti, eko zaštitu i inspeksijske poslove Općine Kakanj podnositi izvještaje o namjenskom korištenju sredstava i ista pravdati vjerodostojnom knjigovodstvenom dokumentacijom.

**III**

Sredstva će se isplaćivati u skladu sa prilivom sredstava u budžet, a u slučaju umanjenja ukupnog iznosa sredstava rebalansom budžeta ista će biti isplaćena u skladu sa procentom umanjenja o čemu će informaciju sačiniti Služba za finansije.

**IV**

Ovaj Program stupa na snagu danom donošenja a objavit će se u „Službenim novinama Općine Kakanj“.

**PREDSJEDAVALAČI  
OPĆINSKOG VIJEĆA**

Ivica Petrović, s.r

**98.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

**Općinsko vijeće**

Broj: 0-01/1-132/10

Kakanj, 06.07.2010. godine

Na osnovu člana 13. stav 2. al.16. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06), člana 6. Zakona o javnim preduzećima u Federaciji Bosne i Hercegovine („Službene novine F BiH“, broj: 8/05, 81/08 i 22/09) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće, razmatrajući Informaciju o održanoj Skupštini JP „Kakanj-sport“ d.o.o. Kakanj, na 21. sjednici održanoj 06.07.2010. godine usvojilo je slijedeće:

**Zaključke**

1. Nalaže se organima (u smislu člana 5. ZJP) Javnog preduzeća za upravljanje i korištenje sportskih objekata „Kakanj-sport“ d.o.o. Kakanj održavanje vanredne sjednice Skupštine javnog preduzeća,
2. Na vanrednoj sjednici Skupštine Javnog preduzeća staviti van snage nelegalne odluke donesene na sjednici Skupštine koja je održana dana 19.06.2010. godine, a nakon toga, u ponovnoj proceduri razmotriti iste i donijeti nove odluke u skladu sa pozitivnim zakonskim propisima,
3. Nalaže se organima Javnog preduzeća (Skupštini, Nadzornom odboru i Upravi) da usklade akte društva sa Zakonom o privrednim društvima i Zakonom o javnim preduzećima u Federaciji Bosne i Hercegovine,
4. Za realizaciju ovih Zaključaka zadužuju se organi javnog preduzeća „Kakanj-sport“ d.o.o. Kakanj,
5. Ovi Zaključci stupaju na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVALAČI  
OPĆINSKOG VIJEĆA**

Ivica Petrović, s.r

**99.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

**Općinsko vijeće**

Broj: 0-01/1-155/10

Kakanj, 13.07.2010. godine

Na osnovu člana 24. i 103. Statuta Općine Kakanj („Službene novine Općine Kakanj“, broj: 4/08) i člana 98. Poslovnika o radu Općinskog vijeća („Službene novine Općine

Kakanj“, broj: 2/04 i 3/04), Općinsko vijeće, na 22. sjednici održanoj 13.07.2010. godine, donijelo je slijedeći:

### Z a k l j u č a k

1. Ovim Zaključkom utvrđuje se Nacrt odluke o komunalnom redu i isti upućuje na javnu raspravu.
2. Rok javne rasprave po Nacrtu odluke o komunalnom redu se određuje u trajanju od 30 dana.
3. Tekst Nacrta odluke o komunalnom redu bit će dostupan svim zainteresovanim subjektima putem oglasne ploče Općine Kakanj, web stranice Općine Kakanj (www.kakanj.com.ba) i u Službi za poduzetništvo, društvene djelatnosti, eko – zaštitu i inspeksijske poslove.
4. Za nosioce aktivnosti sprovođenja javne rasprave određuju se Služba za poduzetništvo, društvene djelatnosti, eko – zaštitu i inspeksijske poslove i Komisija za izradu Odluke o komunalnom redu.
5. Sudionici u postupku javne rasprave: građani, mjesne zajednice, udruženja građana, nevladine organizacije, političke stranke, privredni subjekti, ustanove i druga zainteresovana lica, mogu svoje prijedloge, mišljenja i sugestije u periodu javne rasprave, dostaviti Komisiji za izradu Odluke o komunalnom redu i nadležnoj službi Općine.
6. Komisija za izradu Odluke o komunalnom redu je obavezna da po isteku perioda javne rasprave razmotri sve prijedloge,

mišljenja i sugestije i na osnovu istih sačini konačan prijedlog odluke i dostavi ga Općinskom vijeću na razmatranje i usvajanje.

7. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**  
Ivica Petrović, s.r

### 100.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
**Općinsko vijeće**  
Broj: 0-01/1-156/10  
Kakanj, 13.07.2010. godine

Na osnovu člana 24. i 103. Statuta Općine Kakanj („Službene novine Općine Kakanj“, broj: 4/08) i člana 98. Poslovnika o radu Općinskog vijeća („Službene novine Općine Kakanj“, broj: 2/04 i 3/04), Općinsko vijeće, na 22. sjednici održanoj 13.07.2010. godine, donijelo je slijedeći:

### Z a k l j u č a k

1. Ovim Zaključkom utvrđuje se Nacrt odluke o vodovodu i kanalizaciji i isti upućuje na javnu raspravu.
2. Rok javne rasprave po Nacrtu odluke o vodovodu i kanalizaciji se određuje u trajanju od 30 dana.
3. Tekst Nacrta odluke o vodovodu i kanalizaciji bit će dostupan svim zainteresovanim subjektima putem oglasne ploče Općine Kakanj, web stranice Općine Kakanj (www.kakanj.com.ba) i u Službi za poduzetništvo, društvene djelatnosti, eko – zaštitu i inspeksijske poslove.

4. Za nosioce aktivnosti sprovođenja javne rasprave određuju se Služba za poduzetništvo, društvene djelatnosti, eko – zaštitu i inspekcijske poslove, JP „Vodokom“ d.o.o. Kakanj i Komisija za izradu Odluke o vodovodu i kanalizaciji.
5. Sudionici u postupku javne rasprave: građani, mjesne zajednice, udruženja građana, nevladine organizacije, političke stranke, privredni subjekti, ustanove i druga zainteresovana lica, mogu svoje prijedloge, mišljenja i sugestije u periodu javne rasprave, dostaviti Komisiji za izradu Odluke o vodovodu i kanalizaciji i nadležnoj službi Općine.
6. Komisija za izradu Odluke o vodovodu i kanalizaciji je obavezna da po isteku perioda javne rasprave razmotri sve prijedloge, mišljenja i sugestije i na osnovu istih sačini konačan prijedlog odluke i dostavi ga Općinskom vijeću na razmatranje i usvajanje.
7. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

Ivica Petrović, s.r

**101.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

**Općinsko vijeće**

Broj: 0-01/1-157/10

Kakanj, 13.07.2010. godine

Na osnovu člana 24. i 103. Statuta Općine Kakanj („Službene novine Općine Kakanj“, broj: 4/08) i člana 98. Poslovnika o radu Općinskog vijeća („Službene novine Općine Kakanj“, broj: 2/04 i 3/04), Općinsko vijeće, na 22. sjednici održanoj 13.07.2010. godine, donijelo je slijedeći:

**Z a k l j u č a k**

1. Ovim Zaključkom utvrđuje se Nacrt odluke o zagrijavanju stambenog i poslovnog prostora u Kaknju i Uslova za isporuku i preuzimanje toplotne energije iz daljinskog grijanja i isti upućuju na javnu raspravu.
2. Rok javne rasprave po Nacrtu odluke o zagrijavanju stambenog i poslovnog prostora u Kaknju i Uslova za isporuku i preuzimanje toplotne energije iz daljinskog grijanja se određuje u trajanju od 30 dana.
3. Tekst Nacrta odluke o zagrijavanju stambenog i poslovnog prostora u Kaknju i Uslova za isporuku i preuzimanje toplotne energije iz daljinskog grijanja bit će dostupan svim zainteresovanim subjektima putem oglasne ploče Općine Kakanj, web stranice Općine Kakanj (www. kakanj.com.ba), Službe za poduzetništvo, društvene djelatnosti, eko – zaštitu i inspekcijske poslove i u JP „Grijanje“ d.o.o. Kakanj.
4. Za nosioce aktivnosti sprovođenja javne rasprave određuju se Služba za poduzetništvo, društvene djelatnosti, eko – zaštitu i inspekcijske poslove, JP „Grijanje“ d.o.o. Kakanj i Komisija za izradu Odluke o zagrijavanju stambenog i poslovnog prostora u Kaknju i Uslova za isporuku i

preuzimanje toplotne energije iz daljinskog grijanja.

5. Sudionici u postupku javne rasprave: građani, mjesne zajednice, udruženja građana, nevladine organizacije, političke stranke, privredni subjekti, ustanove i druga zainteresovana lica, mogu svoje prijedloge, mišljenja i sugestije u periodu javne rasprave, dostaviti Komisiji za izradu Odluke o zagrijavanju stambenog i poslovnog prostora u Kaknju i Uslova za isporuku i preuzimanje toplotne energije iz daljinskog grijanja, nadležnoj službi Općine i JP „Grijanje“ d.o.o. Kakanj.
6. Komisija za izradu Odluke o zagrijavanju stambenog i poslovnog prostora u Kaknju i Uslova za isporuku i preuzimanje toplotne energije iz daljinskog grijanja je obavezna da po isteku perioda javne rasprave razmotri sve prijedloge, mišljenja i sugestije i na osnovu istih sačini konačan prijedlog odluke i uslova i dostavi ih Općinskom vijeću na razmatranje i usvajanje.
7. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVAJUĆI  
OPĆINSKOG VIJEĆA**

Ivica Petrović, s.r

**102.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
**Općinsko vijeće**  
Broj: 0-01/1-158/10  
Kakanj, 13.07.2010. godine

Na osnovu člana 24. i 103. Statuta Općine Kakanj („Službene novine Općine Kakanj“, broj: 4/08) i člana 98. Poslovnika o radu Općinskog vijeća („Službene novine Općine Kakanj“, broj: 2/04 i 3/04), Općinsko vijeće, na 22. sjednici održanoj 13.07.2010. godine, donijelo je slijedeći:

**Z a k l j u č a k**

1. Ovim Zaključkom utvrđuje se Nacrt odluke o uslovima i načinu uređivanja, održavanja i upravljanja mezarjima-grobljima i isti upućuje na javnu raspravu.
2. Rok javne rasprave po Nacrtu odluke o uslovima i načinu uređivanja, održavanja i upravljanja mezarjima-grobljima se određuje u trajanju od 30 dana.
3. Tekst Nacrta odluke o uslovima i načinu uređivanja, održavanja i upravljanja mezarjima-grobljima bit će dostupan svim zainteresovanim subjektima putem oglasne ploče Općine Kakanj, web stranice Općine Kakanj ([www.kakanj.com.ba](http://www.kakanj.com.ba)) i u Službi za poduzetništvo, društvene djelatnosti, eko – zaštitu i inspeksijske poslove.
4. Za nosioce aktivnosti sprovođenja javne rasprave određuju se Služba za poduzetništvo, društvene djelatnosti, eko – zaštitu i inspeksijske poslove i Komisija za izradu Odluke o uslovima i načinu uređivanja, održavanja i upravljanja mezarjima-grobljima.
5. Sudionici u postupku javne rasprave: građani, mjesne zajednice, udruženja građana, nevladine organizacije, političke stranke, privredni subjekti, ustanove, vjerske zajednice i



druga zainteresovana lica, mogu svoje prijedloge, mišljenja i sugestije u periodu javne rasprave, dostaviti Komisiji za izradu Odluke o uslovima i načinu uređivanja, održavanja i upravljanja mezarjima-grobljima i nadležnoj službi Općine.

6. Komisija za izradu Odluke o uslovima i načinu uređivanja, održavanja i upravljanja mezarjima-grobljima je obavezna da po isteku perioda javne rasprave razmotri sve prijedloge, mišljenja i sugestije i na osnovu istih sačini konačan prijedlog odluke i dostavi ga Općinskom vijeću na razmatranje i usvajanje.
7. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVALAČI  
OPĆINSKOG VIJEĆA**  
Ivica Petrović, s.r

**103.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
**Općinsko vijeće**  
Broj: 0-01/1-83/10  
Kakanj, 05.05.2010. godine

Na osnovu člana 2.12 tačka 6. Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 19. Sjednici održanoj 05.05.2010. godine, donijelo je

**R J E Š E N J E**  
**o razrješenju Šljuka Razije, predsjednika  
Općinske izborne komisije**

**I**

ŠLJUKA RAZIJA, razrješava se dužnosti predsjednika Općinske izborne komisije, na lični zahtjev.

**II**

Ovo Rješenje stupa na snagu danom dobivanja saglasnosti od Centralne izborne komisije Bosne i Hercegovine.

**PREDSJEDAVALAČI  
OPĆINSKOG VIJEĆA**  
Ivica Petrović, s.r

**104.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
**Općinsko vijeće**  
Broj: 0-01/1-84/10  
Kakanj, 05.05.2010. godine

Na osnovu člana 2.12 tačka 6. Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 19. sjednici održanoj 05.05.2010. godine, donijelo je

**R J E Š E N J E**  
**o imenovanju Čaluk Hajrudina za  
predsjednika Općinske izborne komisije**

**I**

ČALUK HAJRUDIN, dosadašnji član Općinske izborne komisije imenuje se za predsjednika Općinske izborne komisije.

**II**

Ovo Rješenje stupa na snagu danom dobivanja saglasnosti od Centralne izborne komisije Bosne i Hercegovine.

**PREDSJEDAVALAČI  
OPĆINSKOG VIJEĆA**  
Ivica Petrović, s.r

**105.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

**Općinsko vijeće**

Broj: 0-01/1-159/10

Kakanj, 13.07.2010. godine

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 34/03), člana 50. stav 4. Zakona o zdravstvenoj zaštiti („Službene novine F BiH“, broj: 29/07), člana 13. Odluke o utvrđivanju standarda i kriterija za konačna imenovanja na pozicije u regulirane organe („Službene novine Općine Kakanj“, broj: 3/03) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 22. sjednici održanoj 13.07.2010. godine, donijelo je

**R J E Š E N J E**

**o konačnom imenovanju Upravnog odbora JU Dom zdravlja sa poliklinikom Kakanj**

**I**

Za članove Upravnog odbora Javne ustanove Dom zdravlja sa poliklinikom Kakanj, imenuju se:

1. Hasagić Salih – predstavnik osnivača
2. Ganić Magbula – predstavnik osnivača
3. Imamović Abdulah – predstavnik osnivača
4. Spasojević Miroslav – predstavnik zdravstvenih radnika ustanove
5. Aličković Ibrahim – predstavnik Ministarstva zdravstva ZE-DO kantona

**II**

Mandat članova Upravnog odbora traje 4 (četiri) godine od dana imenovanja.

**III**

Članovi Upravnog odbora za svoj rad i angažman imaju pravo na naknadu u skladu sa Odlukom Općinskog vijeća o

utvrđivanju visine naknade, a ista će se isplaćivati iz sredstava ustanove.

**IV**

Ovo Rješenje stupa na snagu danom donošenja a objavit će se u „Službenim novinama Federacije BiH“ i „Službenim novinama Općine Kakanj“.

**PREDSJEDAVALAČI  
OPĆINSKOG VIJEĆA**

Ivica Petrović, s.r

**106.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ

**Općinsko vijeće**

Broj: 0-01/1-160/10

Kakanj, 13.07.2010. godine

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 34/03), člana 25. Zakona o javnim ustanovama („Službeni list R BiH“, broj: 6/92 i 13/94), člana 13. Odluke o utvrđivanju standarda i kriterija za konačna imenovanja na pozicije u regulirane organe („Službene novine Općine Kakanj“, broj: 3/03) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 22. sjednici održanoj 13.07.2010. godine, donijelo je

**R J E Š E N J E**

**o konačnom imenovanju Upravnog odbora JU za predškolski odgoj i obrazovanje „Mladost“ Kakanj**

**I**

Za članove Upravnog odbora Javne ustanove za predškolski odgoj i obrazovanje „Mladost“ Kakanj, imenuju se:

1. Gačić Amel – predstavnik osnivača
2. Tepić Maja – predstavnik roditelja
3. Alajbegović Alma – predstavnik ustanove

**II**

Članovi Upravnog odbora JU se imenuju na period od 4 (četiri) godine.

### III

Članovi Upravnog odbora za svoj rad i angažman imaju pravo na naknadu u skladu sa Odlukom Općinskog vijeća o utvrđivanju visine naknade, a ista će se isplaćivati iz sredstava ustanove.

### IV

Ovo Rješenje stupa na snagu danom donošenja a objavit će se u „Službenim novinama Federacije BiH“ i „Službenim novinama Općine Kakanj“.

#### **PREDSJEDAVAJUĆI OPĆINSKOG VIJEĆA**

Ivica Petrović, s.r

#### **107.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
**Općinsko vijeće**  
Broj: 0-01/1-161/10  
Kakanj, 13.07.2010. godine

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 34/03), člana 25. Zakona o javnim ustanovama („Službeni list R BiH“, broj: 6/92 i 13/94), člana 13. Odluke o utvrđivanju standarda i kriterija za konačna imenovanja na pozicije u regulirane organe („Službene novine Općine Kakanj“, broj: 3/03) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 22. sjednici održanoj 13.07.2010. godine, donijelo je

### **R J E Š E N J E**

**o konačnom imenovanju Upravnog odbora JU Centar za socijalni rad Kakanj**

### I

Za članove Upravnog odbora Javne ustanove Centar za socijalni rad Kakanj, imenuju se:

1. Husika Samir
2. Husika Mahira
3. Velispahić Mehmedalija

### II

Članovi Upravnog odbora JU se imenuju na period od 4 (četiri) godine.

### III

Članovi Upravnog odbora za svoj rad i angažman imaju pravo na naknadu u skladu sa Odlukom Općinskog vijeća o utvrđivanju visine naknade, a ista će se isplaćivati iz sredstava ustanove.

### IV

Ovo Rješenje stupa na snagu danom donošenja a objavit će se u „Službenim novinama Federacije BiH“ i „Službenim novinama Općine Kakanj“.

#### **PREDSJEDAVAJUĆI OPĆINSKOG VIJEĆA**

Ivica Petrović, s.r

#### **108.**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
**Općinsko vijeće**  
Broj: 0-01/1-163/10  
Kakanj, 13.07.2010. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 12. Odluke o organizovanju JP „Grijanje“ d.o.o. Kakanj („Službene novine Općine Kakanj“, broj: 3/05), Općinsko vijeće na 22. sjednici održanoj 13.07.2010. godine, donijelo je

**R J E Š E N J E**  
**o razrješenju Majstorović Ive, člana**  
**Skupštine JP „Grijanje“ d.o.o. Kakanj**

**I**  
MAJSTOROVIĆ IVO, razrješava se dužnosti člana Skupštine Javnog preduzeća za proizvodnju i distribuciju toplotne energije „Grijanje“ d.o.o. Kakanj, na lični zahtjev.

**II**  
Ovo Rješenje stupa na snagu danom donošenja a objavit će se u „Službenim novinama Općine Kakanj“.

**PREDSJEDAVAJUĆI**  
**OPĆINSKOG VIJEĆA**  
Ivica Petrović, s.r

---

**BILJEŠKE**

Lined area for notes, consisting of 20 horizontal lines within a rounded rectangular border.





**S A D R Ź A J****«SLUŽBENIH NOVINA OPĆINE KAKANJ» BROJ: 6/2010**

86. Odluka o usvajanju Prostornog plana općine Kakanj 2010. - 2030.	.....1
87. Odluka o provođenju Prostornog plana općine Kakanj za period 2010.- 2030.	.....2
88. Odluka o stavljanju van snage prostorno planske dokumentacije	.....22
89. Odluka o organizovanju privredno kulturne manifestacije „Kakanjski dani trgovine i kulture“ Kakanj 2010. godine	.....23
90. Uputstvo za sprovođenje Odluke o organizovanju privredno kulturne manifestacije „Kakanjski dani trgovine i kulture“ Kakanj 2010. godine	.....25
91. Odluka o utvrđivanju visine i načina isplate sredstava za finansiranje rada savjeta, tekućih i materijalnih izdataka mjesnih zajednica	.....25
92. Odluka o davanju saglasnosti na izmjene i dopune Cjenovnika usluga parkiranja vozila	.....26
93. Odluka o izmjenama i dopunama Cjenovnika usluga parkiranja vozila	.....26
94. Odluka o nazivu mosta na rijeci Bosni	.....27
95. Odluka o usvajanju Izvještaja o radu JU Centar za socijalni rad Kakanj za 2009. godinu	.....27
96. Odluke o davanju saglasnosti za imenovanje direktora JU za kulturu i obrazovanje	.....28
97. Program rasporeda sredstava ostalim udruženjima	.....28
98. Zaključci po održanoj Skupštini JP „Kakanj-sport“ d.o.o. Kakanj	.....29
99. Zaključak o utvrđivanju Nacrta odluke o komunalnom redu	.....29
100. Zaključak o utvrđivanju Nacrta odluke o vodovodu i kanalizaciji	.....30
101. Zaključak o utvrđivanju Nacrta odluke o zagrijavanju stambenog i poslovnog prostora	.....31
102. Zaključak o utvrđivanju Nacrta odluke o uslovima i načinu uređivanja, održavanja i upravljanja mezarjima-grobljima	.....32
103. Rješenje o razrješenju Šljuka Razije, predsjednika Općinske izborne komisije	.....33
104. Rješenje o imenovanju Čaluk Hajrudina za predsjednika Općinske izborne komisije	.....33
105. Rješenje o konačnom imenovanju Upravnog odbora JU Dom zdravlja sa poliklinikom	.....34
106. Rješenje o konačnom imenovanju Upravnog odbora JU za predškolski odgoj i obrazovanje „Mladost“	.....34
107. Rješenje o konačnom imenovanju Upravnog odbora JU Centar za socijalni rad	.....35
108. Rješenje o razrješenju Majstorović Ive, člana Skupštine JP „Grijanje“ d.o.o. Kakanj	.....35